

會稽續志

下



會稽續志序

會稽志作於嘉泰辛酉距今二十有五年夫物有變遷事有沿革今昔不可同日語也况城府內外斬然一新則越又非曩之越矣苟不隨時紀錄後將何所攷昔虞翻朱育答郡太守問會稽古今事應對如流纖悉弗遺當時但嘆其殫洽殊不知二公皆望人也其習熟有非一日誤雖世本中原僑寓是邦蓋有年矣山川風土之詳人材物產之富與夫事物之沿革變遷曩嘗訪聞茲又目擊於越事亦粗稔懼其久而遺忘輒哀輯而彙次之總爲一編曰會稽續志所書

固辛酉以後事而前志一時偶有遺逸者因追補之  
踈略者因增廣之譌誤者因是正之異時有問我以  
越事敢執此以謝寶慶元年三月旦日梁國張溪

會稽續志目錄

第一卷

越

會稽

風俗

城郭

學校縣學

貢院

教場

軍營

倉果

庫

場務

館驛

坊巷

園圃

府解

街衢

第二卷

提刑司

提舉司

安撫題名

提刑題名

提舉題名

第三卷

同簽題名

同簽題名

同簽題名

安撫司簽廳屬官

通判廳

簽廳

鄉舉監之鎮

市

和買

陵寢

宮觀

寺院

祠廟

第四卷

山

水園

橋梁

堤塘

花果

蔬

草木

茶

竹

藥石

紙

禽獸魚

第五卷

人物

第六卷

目錄

進士

僊釋

詩文

第七卷

雜紀

拾遺

第七卷

對聯

對聯

對聯

會稽續志卷第一

越

史記越世家云夏少康之庶子也無余封於會稽以奉

禹祠賀循會稽記云少康其少子號曰於越越國之

稱始於此按越絕書禹到大越上苗山會計爵有德

封有功更茅山曰會稽是越之稱已見於三代之前

非始於無余之封也賀循蓋未之考爾言越而冠之

以大則越自昔為大國可知矣

會稽

會稽上應牽牛之宿下當少陽之位自晉渡江以來

三吳豪傑嘗請以為都後雖不果亦足見當時以為  
重地言其形勢則晉元帝以為今之關中言其豐腴  
則江左諸公比之鄠杜之間是擬之長安矣蓋其地  
襟海帶江方制千里實東南一大都會又物產之饒  
魚鹽之富實為浙右之奧區也昔熙寧中陳舜俞嘗  
云越為東南一都會公私晏安百度饒羨蒼山白水  
連屬附郭古今以為人物登覽之勝於是朝廷以守  
帥之重遇名卿佚元老似非勳望地勢能居一時之  
右者莫敢當也在彼時其重已如此況今日乎  
中興以來地拱行都去天尺五非但為扶風馮翊

而已

至唐中和三年升越為義勝軍以劉漢宏為節度使  
光啓三年改義勝軍為威勝軍以董昌為節度使乾  
寧三年改威勝軍為鎮東軍以錢鏐為鎮海鎮東軍  
節度使且陞為大都督府鈔如越州受命還治錢塘  
號越州為東府梁貞明中鏐既為吳越國王遂以杭  
為西都越為東都其後又以越為會稽府以州為府  
鏐孫儀判會稽府亦不知在何時以上史無既備之則必革之詳似  
不容畧也故備論於此

風俗

前志論風俗之美謂有禹之遺風王銍學記云餘姚有諸馮之地舜所生也會稽之地禹所沒也舜禹功被萬世而有見於風俗又王安石有歷山賦蓋亦思舜而作也則習俗之美兼有舜之遺風矣或謂舜君雷澤各有其地越人別指歷山舜井象田仍以餘姚上虞名縣風土記曲為之辭未免附會此周文忠公陸氏翼孟音解序也然自土書傳限於秦火彼是此非無從折衷是否當不必問今但取其風俗之美耳

城郭

羅城隋開皇中楊素所築唐乾寧中錢鏐重修皇祐中守王逵復修且浚治地壕嘉定十三年守吳格雖

重修後多摧圯十六年江綱又加繕治併修諸門城

之東曰五雲門

即古雷門晉王獻之所居有五色祥雲見故取以名門

水門曰

都泗舊作賜

東南曰稽山門水門曰東郭西曰迎恩門

唐昭宗命錢鏐討董昌鏐以兵三萬屯迎恩門則迎恩之名其來久矣

西南曰常喜門

又謂之偏門

南曰植利門北曰三江門以至堰埭亦皆修

築視宣和劉侯有光焉

子城嘉祐初刁約奏修之至八年始克成歲久復壞

嘉定癸未守江綱既治羅城因併葺其缺壞譙樓并

鎮東軍門秦望門亦加塿飾而補苴之遂為一郡壯

觀

學校

慶曆四年詔天下皆立學。景祐中李照始議創建。至嘉祐中方成。隆興二年。皇帝重修周綰為記。嘉定十六年。汪綱又增葺之。

縣學

嵯縣學在縣西。嘉定七年。令史安之移建於縣西南。繼錦坊為屋百區。表歲。又作記。

上虞縣學。淳熙十一年。令劉管重修。豐誼作記。山陰縣學。嘉定十六年。令趙汝駟重修。郡捐緡錢三十萬。以助其費。陳耆卿作記。

蕭山縣學。嘉定十七年。汪綱委監和百酒庫葉應輔為主學。而學舍頽弊為甚。捐錢三十萬。米數十石。重修他邑有學。亦加整葺。

貢院

郡昔遇科舉。即僧舍為試所。忠定史公鎮越時。得爽塏地。乾道九年。守錢端禮始創貢院。其時舉人比今。僅及其半。嘉定十五年。歲適大比。守汪綱乃重行整葺。且增屋三十間。視庭下地。雖稍廣。遇雨則泥濘。不可容足。又命鑿石加甃。坦然如砥。士子便之。院前待試地。亦計工石填砌。為永久利云。



教場

小教場元在卧龍山上頗為隘狹嘉定十五年守汪綱命以作院地創築前建臺門繚以牆垣中為堂曰雄威以為常教之所

軍營

府之軍營凡十有二曰雄節係將第一指揮曰威捷第二係將指揮曰威果係將第二十二指揮第二十  
三指揮不係將第五十四指揮曰全捷係將第四指揮第五指揮曰全捷不係將第十三指揮曰廂軍崇節第一指揮第八指揮曰壯城指揮曰牢城指揮廢

壞以不葺軍兵皆僦居於外嘉定十六年守汪綱葺舊外添創屋一千餘間盡括軍兵遷入營壘於是軍制稍嚴整矣

都作院在小教場之側嘉定十五年守汪綱創建凡屋二十餘間

倉

苗米倉在府衙東  
糯米倉在西門外

並嘉定十五年守汪綱重修及添造

庫

勅書架閣庫

聖節儀仗庫

書板庫

東甲仗庫

西甲仗庫

陳設庫

銀器庫

書籍庫

雜物庫

軍資庫

公使庫

倚卓庫

轎庫

炭庫

牙契局

賣酒交錢局

果子局

燈油局

府治局

樂部局

以上並郡守汪綱創建及重修越為督府盡嚴

除戎之備而斷甲朽器頽垣敗壁馴習浸久漫

不加省江捐緡錢三萬打造器甲二千副闢東

西甲仗庫牛舊址建屋四十五間右楹甃甃甃易

舊觀視諸庫局尤為宏壯

場務

激賞庫酒樓在照水坊

都酒務酒樓在蓮花橋

並郡守汪綱建

館驛

通川亭

問津亭

並在府舍右南廢為酒肆久矣嘉定十六年郡守汪綱重葺且增創他屋若厨湏之屬悉皆備具

以為往來者館寓之所

嵯縣

訪戴驛在縣之訪戴坊嘉定八年令史安之重建于

東門之外

上虞縣

懷謝驛在縣之東邑有東山晉謝安嘗遊故云

坊巷

坊巷之名見於前志者僅二十餘嘉定十七年守汪綱始其華表重揭扁榜凡九十六所又斜橋坊路乃台明往來之衝也每遇雨苦於泥濘綱復命伐石

甃砌二州往來者甚便之王狀元坊其廢已久故前志止載詹莫二坊網訪問得其舊址鼎新再建

第一廂

外竹園坊	裏竹園坊	晉昌坊	元貞坊
外鍾離坊	裏鍾離坊	靜林坊	甘露坊
外梧柏坊	裏梧柏坊	杏花坊	親仁坊
日連坊	季童坊	義井坊	新路坊
小新坊	都亭坊	法濟坊	孝義坊
禮裡坊			

第二廂

棚樓坊	花行坊	日池坊	月池坊
照水坊	小德政坊	寶幢坊	廣陵坊
石灰坊	朴木坊	樂義坊	永福坊
押隊坊	諸善坊	上黨坊	義井坊
祥符坊	詹狀元坊	莫狀元坊	

第三廂

西河坊	小驛坊	南市	富民坊
華嚴坊	鐵釘坊	蕙蘭坊	德惠坊
大市門坊	治平坊	甲子坊	開元坊
南觀仁坊	獅子坊	雲西坊	菩提坊

耀靈坊 植利坊 采家坊 柴場坊  
京兆坊 天井坊 水溝坊 大新坊  
河南坊 施水坊 船場坊 府橋坊  
桐木坊 槿木坊 愛民坊

第四廂

賢良坊 火珠坊 少微坊 板橋坊  
北市坊 瓦市坊 雙橋坊 水澄坊  
新河坊 大路坊 石灰坊 錦鱗坊  
武動坊 畫錦坊 迎恩坊 草貌坊  
筆飛坊 斜橋坊 戒珠坊 王狀元坊

第五廂

教德坊 龍卧龍坊 車水坊 顯應坊  
秦望坊

禮遜坊即義里今為竹園坊昔有紀伯與陳囂鄰修藩籬而侵其地囂不較又益與之伯慙亦退所侵因成通衢郡守多之為曰曰義里今長慶寺乃二人之宅華鎮詩云隣里相歡起美談通衢高柳碧鬢髮至今風俗輕虞芮目擊岐周始自慙

會稽

廣平路在稽山門外東南一十里廣平程師孟元豐

初為守華鎮覽古云民服其政日有餘裕放浪於山水間泛鏡湖欵禹祠探藏書訪丹井攬宛委之秀挹若耶之勝往來必由稽山之蹊山中之民相率而治之芟繁夷險使肩輿安行飛蓋無阻師孟字公闢時為夕郎路以公名

前志嵯縣一十坊今二十四坊

訪戴 秀異 字民 佐理 集賢 招提

繼錦 通安 繼孝 齊禮 遷善 桃源

兆慶 迎春 嘉會 仁德 弦歌 醴泉

清河 進德 妙音 豐義 成俗 化民

繼錦坊按縣有繼錦鄉舊名治化天聖中邑人史綸登進士第其子叔軻繼之縣令魏琰改今名

蕭山

清風坊晉許詢所居故號曰許君里

招賢坊梁江淹所居故號曰江君里覺苑寺即淹之宅也

園圃

西園在卧龍山之西六州治據卧龍形勝處龍之口府東門也龍之尾西園也景祐中唐詢作蔣堂曲水閣

詩序則以園創於堂今以齊唐王公池記考之自吳越時已爲游觀之地其後廢不葺治至堂始復其舊觀爾非創於堂也中吳格嘗葺之未幾亭宇多壞嘉定十六年汪綱復增葺之又創憩棠一亭頗爲華麗云

### 府廨

唐元微之云州宅居山之陽凡所謂臺榭之勝皆因高爲之以極登覽嘗以詩誇於白樂天云州城縈繞拂雲堆照水稽山蒲日來四面無時對屏障一家終日在樓臺星河影向空階前落鼓角聲從地底回我是

玉皇香案吏謫居猶得小蓬萊誦其詩則當唐盛時州宅之勝可知而知矣乾寧中董昌叛即廳堂爲宮殿昭宗命錢鏐討平之以鏐爲節度鏐惡昌之偽跡乃撤而新之故元微之與李紳諸公所登臨吟賞之處一皆不存若蒲桂山樓海榴亭杜鵑樓其跡已不復可考而名傳於世者蓋以諸公之詩也建炎以後又復頽毀而本朝諸公登臨之處亦不可復考如道遥堂并儀堂五雲亭披雲望雲二樓者殆不勝數凡州宅之堂舍亭館見工今者悉著錄之庶來者有所考云

州宅後枕卧龍而面直秦望自錢鏐再建壞而復修  
不知其幾嘉定十五年守汪綱以謂其敝已極弗治  
則不可枝矣於是外白譙樓以至設廳旁由廊廡吏  
舍內自寢堂燕坐庖廄之所悉治新之鳩工于嘉定  
十五年春落成于十六年冬內外固一新按鏐重  
建在唐天祐元年甲子

此按鏐重建軍有署記

至嘉定十六年

癸未實三百二十年廿六再新若有數云

常衙廳在儀門之東舊頗迫窄守汪綱至是始闢其  
址而增廣之廊廡畢世兩上為秦望閣不知作於何時  
趙抃嘗有詩則熙寧之前已有之矣

自此至棣萼堂皆汪綱重修

清思堂在常衙廳之後不知作於何時張伯玉趙抃  
皆有詩今刻石于堂上

青隱軒在常衙廳之東政和間王仲疑作

延桂閣在清思堂之側前有巖桂甚古守趙彥侗建  
王補之摘杜子美賞月延秋桂之句以名樓之下為  
寢處燕坐之所便房挾室悉備蓋館士所寓之地也  
汪綱更新之且添創他屋及庖廄之所居者頗以為

便

拓山閣在棣萼堂之下不知作於何時舊名清涼閣  
守洪邁改今名



雲近在招山閣之右宅堂之廊廡也趙彥倓建益取  
杜子美雲近蓬萊常五色之句以名

棣萼堂在雲近之下紹熙元年洪邁領郡以其元丞  
相适乾道中嘗出守邁取綸告中語有矧伯氏棠陰  
之舊增一門棣萼之華故名

燕春在清思堂後守汪綱創建張伯玉燕寢長居  
紫府春之句以名

雲根在州宅後守汪綱創建摘張伯玉州宅近雲  
根之句以名

四面屏障在州宅後守汪綱創建摘元微之四面無

時對屏障之句以名

步鰲在州宅之後守汪綱創建取沈紳雲隨步武鰲  
頭穩之句以名

拂雲在州宅後子城之下守汪綱創建摘元微之州  
城縈繞拂雲堆之句以名

晚對在州宅之後洪邁所建取杜甫翠屏宜晚對之  
句以名覆之以茅已頽毀不存守汪綱即舊址再建

無塵在州宅之上拂雲之左守汪綱創建摘張伯玉  
踈竹間花陰了無塵土土侵之句以名

蓬萊閣在設廳後卧龍之下章棗作蓬萊閣詩

序云不知誰氏創始按閣乃吳越錢鏐所建盜僞不知爾淳熙元年其八世孫端禮重修乃特揭於梁間云定亂安國功臣鎮東鎮海兩軍節度使檢校太師待中兼中書令食邑一萬戶實封六百戶越王鏐建其名以蓬萊者蓋舊志云蓬萊山正偶會稽舊志今已卿紳和孔司封登蓬萊閣詩云二山對峙海元微之中夫自注於下云舊志蓬萊山正偶會稽元微之詩云謫居猶得小蓬萊錢公輔詩云後人慷慨慕前脩高閣雄名由此起故云自元祐戊辰章叅修之又八十七年錢端禮再修又四十八年汪綱復修綱自記歲月於柱云蓬萊閣登臨之勝甲於天下自昔以

來不知其凡幾壞幾修矣邇年其壞尤甚而修之於嘉定十五年歲次壬午十一月己巳朔十五日己未者郡守新安汪綱仲舉也

鎮越堂汪綱創建綱自記於柱云由蓬萊閣而下凡三級始達廳事承平時皆有堂宇廢圯已久後來者乃由中斲金蹬道以便往來而饗食軍延見吏民之所遂為通行之路非獨失帥府之觀瞻其於陰陽家之說尤為妨忌郡寢不如昔民亦多艱未必不由於此嘉定辛巳予自憲移帥即有意稍復舊觀顧力未瞻弗暇明年秋公帑稍有銖積於是補苴罅漏芟夷草萊

築一堂於上以鎮越名之蓋東南之鎮其山曰會稽而鎮東又越之軍額也名實具其核地高而爽堂奧而明秦望諸山皆欣然領會有效奇獻秀之勢又創行廊四十間于兩翼聯屬蓬萊併與閣一新之山川朝拱氣象環合而斯堂之勝遂獨擅於越中矣工既畢功姑記歲月於此是歲九月辛未新安汪綱書堂之扁榜三大字 大丞相史魯公之筆也 閣而下月臺在鎮越堂之前汪綱創建舊嘗有望月臺壞已久其址亦不知在何所唯王十朋一詩尚傳云明珠遙吐卧龍頭漸覺清光萬里浮人望使君如望月更

湏如鏡莫如鈎網蓋寓舊名於此也

雲壑在卧龍之東汪綱創建前有喬松甚古綱自訂於柱云嘉定壬午五月郡守新安汪綱作雲壑於卧龍之東峰蓋百花亭之舊址也黃太史詩云老松閱世卧雲壑回首滄江無萬牛而此堂之下蒼髯老榦雲霧務深藏雪壓霜侵不改其操是宜其高卧閱世縱有萬牛焉能動哉

清曠軒在雲壑之側嘉定十五年汪綱自記於柱云章淙蓬萊閣詩序謂四時之景不同而所同者自然之清曠也此語當矣西園舊有亭名清曠亭

廢不存復寓此名於斯軒噫何獨此名為寓而斯軒亦直寄焉耳

觀風堂紹興中曹泳所建王十朋詩云薄俗澆風有萬端欲將眼力見應難但令心境無塵垢端坐斯堂便可觀堂廢吳格再建汪綱又葺之相聞秋風亭在觀風之側其廢已久嘉定十五年汪綱即舊址再建綱自記於柱云秋風亭辛稼軒曾賦詞贈友人曰今廢矣予即舊基面東為亭復創數椽於後以為賓客往來館寓之地當必有高人勝士如宋玉張翰者來遊其間游目騁懷幸為我留其母遽起悲

吟思歸之興云

望海亭在卧龍之西不知始於何時元微之李紳嘗賦詩則自唐已有之矣昔范蠡作飛翼樓以壓強吳此亭即其址也祥符中高紳植五桂於亭之前易其名曰五桂歲久亭既廢桂亦不存嘉祐中刁約增廣舊址再建復名望海自作記以誌嘉定十五年汪綱重修

多稼亭在望海亭之下嘉定十年王補之修改今名嘉定十五年汪綱重修

越王臺按祥符圖經云在種山東北種山蓋卧龍之

舊名也今臺乃在卧龍之西舊有小茅亭名近民久已廢壞嘉定十五年汪綱即其遺址創造而移越王臺之名於此氣象開豁目極千里為一郡登臨之勝且俾曾者年篆三大字立石而刻之別為亭以覆之亭在臺之左

清白堂在蓬萊閣之西卧龍山之足康定中范仲淹所作按仲淹堂記云獲廢井泉清而色白因命其堂曰清白庶幾居斯堂而無忝其名堂廢不存久矣嘉定十五年汪綱命訪其所云都廳即其處也乃別創都廳重加整葺而復范之舊扁

賢牧堂在清白之側舊以祠范文正公乾道四年中忠定公始以趙清獻公並祀乾道八年守方滋又增祀朱忠靖公勝非趙忠簡公鼎張文靖公守翟忠惠公汝文嘉定十四年守吳格又以史忠定合祀為七人表變作記汪綱重修

貞武堂土地祠舊在蓬萊閣下室暗尤甚汪綱移建於卧龍山之西崇善王祠之前特為顯敞

崇善王祠蓋卧龍山之神也在山之西錢鏐所建祠有石幢乃鏐刊梁貞明三年封神為崇善王勅牒鏐自列其銜于後云啓聖匡運同德功臣天下兵馬

大元帥尚父守尚書令吳越王鏐立汪綱既移真武  
土地堂於是併祠修之此三祠靈應特異

街衢

越為會府衢道久不修治遇雨泥淖幾於沒膝  
往來病之守汪綱亟命計置工石所至繕砌浚治其  
湮塞敕正齊其欽崎除閑陌之穢汙復河渠之便  
利道塗堤岸以至橋梁靡不加葺經畫有條役  
且無擾始于府橋至軒亭及南北兩市由府前  
至鎮夷軍門賢良坊至府橋水澄坊至鯉魚橋  
公河夾岸迤邐增築暨大小路迎恩門內外

至鴻橋

一作

牽匯坦夷如砥井里嘉歎實為

悠久惠利云

會稽續志卷第一

會稽續志卷第二

提刑司

會稽續志卷第二

提刑司

提刑司在府治之東與蓬萊館相望嘉定十六年知  
 府事兼提刑汪綱以其弊陋乃撤其壞甚者六七而  
 鼎新之且增創吏舍架閣庫并錢酒什物文籍諸庫  
 又新其公餘燕坐之所屬官議事之廳及亭館樓觀  
 罔不畢新曰澄清堂有淳熙中倪思所作堂記曰棣華堂淳熙初  
以其兄燁乾道中嘗蒞是職故云曰和樂堂曰盡心堂宣和元年曰  
 清閔亭疊石為巖洞而冠亭於上茂林叢竹交映左右頗為幽雅曰稽山閣其址  
珠山也有乾道中程大昌賦刻梓揭于梁間又創敬簡堂於答廳之左

提舉司  
東窓

提舉司在蕙蘭坊其燕坐之所則有雲錦花栢栢

澄齋爰咨堂風月堂前疊石為山老木三四下有方石

頗佳其趣廳事之右有小圃中有二亭曰共疎曰清逸

又其安撫題名又其安撫題名

帥守姓名前志止於嘉泰初元李公大性今自嘉泰

三年辛公弃疾以後備錄于左其數甚多

辛弃疾以朝請大夫集英殿修撰知嘉泰三年六

月十一日到任當年十二月二十八日召赴

行在

林采以太中大夫集英殿修撰知太平州除寶

閣待制改知嘉泰四年四月初十日到任開

禧元年五月十二日宮觀

周玘以中大夫充集英殿修撰知開禧元年七月

五日到任二年四月二十一日除寶謨閣待

制宮觀

趙師異以太中大夫知開禧二年五月十三日到

任當年六月十一日除寶謨閣學士知廬州

錢象祖以降授中大夫知開禧二年八月二十二

日到任九月六日復通議大夫開禧三年二



月四日召赴一行在

章燮以朝請大夫直華文閣知開禧三年二月二

十八日到任十月十三日以應辦成肅皇

后山陵有勞特轉朝議大夫十一月四日召

赴官行在

李珏以朝散大夫直寶謨閣知開禧三年十一月

二十五日到任嘉定元年七月二十九日除

侍右郎官

黃由以寶謨閣學士正議大夫知嘉定元年九月

林采二十一日到任三年四月十六日除刑部尚

書兼直學士院

留恭以朝奉大夫直寶謨閣知嘉定三年六月二

十二日到任至嘉定五年四月十七日宮觀

趙彥倓以朝散大夫兩浙東路提點刑獄公事除

直寶謨閣知嘉定五年八月十六日到任七年

七月二十一日除直徽猷閣再任當年十月

十三日磨勘轉朝請大夫八年八月二十

九日除太府少卿

葉箋以朝請大夫兩浙東路提點刑獄公事除直

祕閣知嘉定九年二月十一日到任當年十

一月六日罷

吳格以朝散郎直祕閣知嘉定九年十二月六日到任次年二月十三日丁母憂

王補之以中奉大夫知婺州復祕閣修撰知嘉定十年三月六日到任十二年三月二十二日

除右文修撰提舉建康府崇禧觀  
沈暉嘉定十二年三月二十四日以朝議大夫祕閣修撰浙東提刑被旨兼權至當年八月

十二日除太府卿  
吳格以朝散郎直祕閣知嘉定十二年九月二十

六日到任次年十月磨勘轉朝請郎十四年十月五日除直煥章閣樞密副都承旨

汪綱以朝奉大夫直祕閣兩浙東路提點刑獄公事除煥章閣知嘉定十四年十二月十七日到

任次年四月轉朝散大夫十一月轉朝請大夫十七年正月除太府少卿二月兼權

司農卿四月除直龍圖閣知十月 覃恩轉朝議大夫寶慶元年四月應辦 寧宗皇帝

梓宮有勞除右文殿修撰當年七月以職事修舉奉 聖旨除集英殿修撰特令再任三

修舉奉 聖旨除集英殿修撰特令再任三

年十一月除寶謨閣待制依舊知紹定元年  
三月磨勘轉中奉大夫七月以收糴椿管米  
及數轉中大夫十二月初三日召赴行在  
汪統紹定元年十二月二十九日以朝散郎直寶  
章閣浙東提刑兼權三年三月磨勘轉朝請  
郎五月以糴椿積米特轉朝奉大夫四年四  
月該遇皇太后慶壽因轉朝散大夫五月  
二十一日與宮觀

葉崇紹定四年五月二十一日以朝議大夫直寶  
謨閣浙東提舉暫兼七月十六日除提刑

舊兼權十月十三日交割與程徽猷

程覃以中大夫直徽猷閣知紹定四年十月十三  
日到任六年九月因應辦恭聖仁烈皇太  
后梓宮事務有勞除祕閣修撰十月十三  
日除司農卿

葉崇以中大夫直寶謨閣浙東提刑於紹定六年  
十一月七日除金部郎官未二當月十五日  
除徽猷閣知端平元年十一月十六日依舊  
職差知太平州

黃壯猷端平元年十一月以朝請大夫金部郎官

黃世除直祕閣知十二月十二日到任三年十一月十五日除尚右郎官

李鳴復嘉熙元年二月以端明殿學士朝奉大夫簽書樞密院事兼參知政事除資政殿學士知十七日到任當年六月二十三日召赴行在八月十六日除參知政事

潘剛中嘉熙元年十月十九日以朝議大夫浙東提刑暫權十二月磨勘轉中奉大夫二年閏四月十三日交割與趙大次貝

趙善湘以資政殿大學士銀青光祿大夫沿海制

置使兼知慶元府於嘉熙二年三月依舊職知閏四月十三日到任三年六月二日依舊

史字職提舉臨安府洞霄宮

余天錫嘉熙三年六月除資政殿學士知七月十六日到任四年四月初三日召赴行在

蔡範嘉熙四年四月以朝請大夫新除司農卿除直徽猷閣知六月二十一日到任淳祐元年

五月磨勘轉朝議大夫九月除直龍圖閣依舊知二年二月十六日召赴行在奉事六

史字月九日除司農卿

史岩之淳祐二年三月以龍圖閣學士通奉大夫知十月初十日到任三年三月磨勘轉正議大夫四年七月十三日除端明殿學士依舊知十七日改知福州

童願淳祐四年七月二十一日以朝散大夫直華文閣浙東提舉暫權十月十六日交割與史

閣學

史宅之淳祐四年七月以華文閣學士通奉大夫知十月十九日到任十二月磨勘轉正議大夫五年十一月以職事修舉除敷文閣學士

依舊知六年三月十六日除工部尚書

趙性夫淳祐六年四月五日以朝奉大夫直祕閣

浙東提刑兼權十月除直華文閣令再任依舊兼權七年五月六日除直徽猷閣知八年

正月除大理少卿未上二月除直寶文閣依舊知七月兼提舉十月三日令赴行在奏

事九日除宗正少卿

趙希樸淳祐八年十二月以中奉大夫新除司農

少卿兼檢詳除直華文閣知九年正月十一

日到任當月兼權提舉六月三日罷

洪焱淳祐九年六月九日以朝散郎浙東提刑劄  
兼權七月十七日被旨時暫兼權十一月

蘇希交割與吳大資二月以中奉大夫祿劄同

吳潛淳祐九年八月以資政殿學士太中大夫知

十一月八日到任十二月八日除同知樞密

院事兼參知政事

洪焱淳祐九年十二月十八日再以朝請郎直祕

閣浙東提刑劄兼權十年三月十二日被

旨兼權八月十二日除刑部郎官二十一日

除直寶

馬天驥淳祐十年八月二十七日以朝請大夫直

祕閣浙東提舉被旨兼權十月五日除宗

正少卿十四日除祕閣修撰知仍兼提舉十

一年十月十一日除權兵部侍郎十七日除

知慶元府

樓治淳祐十一年十月以中奉大夫集英殿修撰

知閏十月初八日到任十一月十一日暫兼

提舉十二年正月十三日暫兼提刑四月磨

勘中大夫八月依舊職提舉江州太平興國

蘇本官

程冰淳祐十二年八月十二日以朝奉大夫浙東

提舉時暫兼權寶祐元年三月二十四日交

割與集撰陳侍郎

陳顯伯淳祐十二年八月以太中大夫集英殿修

撰新知婺州改知寶祐元年三月二十四日

到任二年正月十二日除權兵部侍郎

厲文翁寶祐元年十月以承議郎集英殿修撰知

二年正月二十九日到任四月以前知臨安

府職事有勞特轉朝奉郎十月二十六日依

舊職改知慶元府

史字之寶祐二年十月以煥章閣學士太中大夫

知十二月十四日到任四年正月以職事修

舉特除徽猷閣學士仍知十月八日召赴

行在十一月一日除工部尚書

顧岳寶祐四年十月二十五日以承議郎浙東提

刑時暫兼權五年八月初四日交割與謝秘

撰

謝奕修以中奉大夫太府卿除祕閣修撰知寶祐

五年八月四日到任六年七月四日除右文

殿修撰賜紫章服依舊任開慶元年八月

一日除集英殿修撰依所乞提舉隆興府玉隆萬壽宮仍賜金帶許今服繫三十一日交割與屬待制

厲文翁開慶元年六月以朝奉大夫徽猷閣待制知八月二十一日到任十月二十九日除寶文閣

待制知臨安府十一月交割與何敷文

何夢祥以朝奉大夫試司農卿兼知臨安府除直

敷文閣與屬待制兩易開慶元年十一月初

八日到任景定元年二月六日除直徽猷閣

主管建寧府武夷山冲佑觀

葉隆禮景定元年二月以朝奉大夫除直寶文閣知十六日到任四月二十六日交割以次官

離任

鄭雄飛景定元年五月初五日以朝散大夫直寶

章閣浙東提舉被旨持暫兼權七月十七

日交割與謝集撰

謝坐景定元年五月以朝奉大夫集英殿修撰知

七月十七日到任十月除寶章閣待制提

舉佑神觀仍奉朝請特賜金帶許令服繫

林光世景定元年十月二十八日以朝奉大夫浙



林東提舉被旨時暫兼權十二月初十日交割與祕閣李戶部

季鏞以朝散郎知温州除左曹郎官未供職間除

直祕閣知景定元年十二月初十日到任二

年七月二十六日以職事修舉陞直寶謨閣

依舊任十二月初九日被旨時暫兼權提舉

三年五月初九日除將作監十一日陞直煥

章閣依舊知十一月初八日陞直寶文閣令

再任十二月二十日除直龍圖閣兩浙轉運

副使

楊瑱景定三年十二月以朝議大夫右文殿修撰

新知寧國府除集英殿修撰知四年二月二

十七日到任十月十九日令赴行在奏事

朱應元景定四年十月二十五日以朝請即直徽

猷閣浙東提舉被旨時暫兼權五年正月

初五日除直顯謨閣浙東提刑兼提舉仍暫

權二月二十六日除監察御史兼崇政殿說

書



蔡肇崇寧元年七月二十四日以朝奉郎到任

虞暮崇寧元年十二月十六日以承議郎到任

周彥質崇寧二年二月初五日以朝請郎到任

白具二月二十五日移淮南轉運副使

強浚明崇寧三年三月初五日以朝奉郎到任

年九月初六日罷

祖理崇寧三年六月二十九日以朝散郎到任

年二月十四日罷

黃克俊崇寧四年四月二十九日以朝散郎到任

五年十二月二十四日移知光州

馬瑤崇寧五年正月十九日以朝請大夫到任

觀元年正月初八日罷

董正封大觀元年二月初九日以中散大夫到任

當年閏十月初四日除發運副使

錢景逢大觀元在十二月二十日以朝奉大夫到

任當年閏十月十五日移江東提刑

盛章大觀二年三月以奉議郎到任當年十

月初八日除兵部員外郎

畢漸大觀二年十一月以朝散郎到任大

觀三年四月罷

朱維大觀三年三月十四日以中大夫到任政

和元年七月二十五日移知興仁府

蔡安持大觀四年五月以朝請大夫直秘閣

到任政和元年六月召赴闕

李景夏政和元年四月以朝散到任當年

五月罷

虞莫言政和七月十八日到任以朝奉大夫到任

政和三年正月二十六日罷任

周邦式政和二年六月以朝請大夫到任政

和三年四月十七日移江東提刑

羅選政和三年四月以朝散郎到任當年七月

除少府少監

盧天驥政和六年六月十九日以朝散到任

政和八年閏九月初九日除左司員外郎

周格政和八年閏九月十四日以朝請大夫到任

出當年十月十八日罷任

蔡佃政和八年十一月十七日以朝請郎直秘

閣到任宣和元年八月十三日罷

鄭南宣和二年二月二十五日以朝散郎到

任當年七月二十二日罷任

張苑宣和二年七月二十三日以中奉大夫直

秘閣到任宣和三年二月二十三日罷任

楊應誠宣和三年二月初八日以武功大夫成州

團練使到任宣和五年五月二十日移河北

河東宣撫司管勾機宜文字

章綜宣和三年三月二十六日以朝散大夫到任

宣和四年六月十三日就除知越州

高士瞻宣和三年七月初二日以武顯大夫兼閣

明宣贊舍人到任當年九月初九日依舊

淮南提刑

王仲明宣和四年六月二十九日以朝請郎直秘

閣到任宣和五年五月二十日除本路轉運

副使

胡濠宣和五年六月二十四日以中奉大夫到任

宣和七年五月除北部郎中

柳宗傑宣和七年以朝奉郎到任

季所只靖康二年以朝奉郎直龍圖閣到任

王翹建炎三年以朝奉郎到任

韓虛用曹建炎四年三月以朝散郎到任七月致仕

施垲建炎四年八月以朝請大夫到任紹興二年

正月分過浙西

孫近紹興二年正月以左朝議大夫充祕閣修

撰到任二年轉左中奉大夫三年三月除祕

書書少監

張宗臣紹興三年四月以左朝奉大夫到任十

日罷

周綱紹興三年十月以左奉議郎到任四年四

日召赴

行在

明彙紹興四年四月以左奉議郎到任六年三

月致仕

劉一止紹興六年二月以左承議郎直顯謨閣

到任八年二月滿罷

謝祖信紹興八年三月以左承事郎直祕閣

到任九年正月召赴 行在

范同紹興九年正月以左朝請郎直寶文閣

到任八月召赴 行在

李維紹興九年九月以右朝奉郎直祕閣到

任十年四月與福建提刑宋孝先兩易

宋孝先紹興十年四月以左中奉大夫直祕閣

到任十月通理滿罷

呂用中紹興十年十二月以右宣教郎到任十二年十二月改知泉州

范振紹興十三年正月以左朝請大夫到任九月罷

月罷

吳序賓紹興十三年十月以右朝奉大夫到任十四年四月與知泉州呂用中兩易

呂用中紹興十四年八月以右奉議郎直秘閣到任十五年五月宮祠

朱敦儒紹興十五年六月以左朝奉郎到任十六年十二月罷

林師說紹興十七年六月以右朝請大夫到任十一月罷

秦昌時紹興十七年十二月以左朝散郎提舉權十九年除直秘閣正除及再任至二十四年十二月致仕

曾幾紹興二十五年十二月以左朝請大夫到任二十六年三月改知台州

宋斐紹興二十六年三月以左朝請大夫到任二十七年三月改知揚州

邵大受紹興二十七年四月以左朝請大夫提

舉權十一月正除二十八年十月改浙西提刑  
徐度紹興二十九年六月以左朝請郎到任三  
十年七月除樞密院檢詳

樊光遠紹興三十一年三月二十六日以左朝奉  
郎到任三十二年九月除吏部員外郎十  
月續奉

聖旨樊光遠以疾請祠可依舊浙東提刑

十月十日還任隆興元年六月成資替

王葆隆興元年六月十三日以左朝請大夫到  
任乾道元年二月二十一日宮祠

任文薦乾道元年四月十三日以左朝請郎到任

乾道二年三月二十八日召赴行在

張津乾道二年五月二十七日以右朝請郎到任乾

道三年五月除直秘閣知明州

柳大節乾道三年六月以右朝奉大夫到任當

年八月罷

芮燁乾道四年十一月以左朝散郎到任乾道五

年八月除國子司業

程大昌乾道五年九月以左朝奉郎直龍圖閣

到任乾道七年六月除江東運副



乾道六年六月二十三日奉

聖旨諸路各置武臣提刑一員

張方乾道六年十月以武功大夫兼閣門宣贊舍

人

范成象乾道七年八月以左朝散郎到任乾道九

年改除福建提刑

張掄乾道七年十月以均州防禦使到任乾道九

年正月除利州觀察使知池州

鄭興裔乾道九年六月以武功大夫江州觀察使

到任淳熙元年四月除浙西提刑

趙彥端乾道九年九月以左朝奉大夫直寶文閣

到任淳熙元年三月宮祠

韓侯淳熙元年八月以武節大夫高州刺史到任

鞏昧淳熙三年二月宮祠

胡仰淳熙元年十一月以朝散大夫直祕閣到任淳

熙二年三月罷任

吳交如淳熙二年四月以朝散大夫直祕閣到任

十月召除大理少卿

芮輝淳熙二年十二月以朝散大夫到任淳熙四

年十月以職事修舉除直顯謨閣當月召

除祕書少監

傅自得淳熙五年七月以朝散郎直祕閣到任當

年八月罷

趙益淳熙五年十月以武德大夫文州刺史到任

淳熙七年十一月再任淳熙八年八月召除知

閣門事

鞏湘淳熙五年十二月以朝散大夫直敷文閣到

任淳熙七年十二月改知廣州

姚宗之淳熙七年十二月以承議郎到任淳熙八

年八月除江西提刑

傅淇淳熙八年九月以朝請大夫到任淳熙九年

九月改浙西提刑

張詔淳熙八年十一月以武經大夫到任淳熙十

年五月改江東提刑

丘宗淳熙十年七月以朝奉大夫直祕閣到任淳

熙十一年十二月初二日改知平江府

趙公碩淳熙十二年二月初五日以朝議大夫直

龍圖閣到任淳熙十三年六月宮祠

延璽淳熙十三年七月二十五日以武功大夫高

州刺史到任淳熙十三年五月二十三日除

知閣門事

趙不違淳熙十五年六月十六日以武經大夫到任淳熙十六年正月罷

周頡淳熙十六年正月二十八日以朝議大夫直

顯謨閣到任紹熙元年二月二十一日除福

建運使

蔡戡紹熙元年四月十一日以朝散大夫直寶文

閣到任當年七月二十八日除中書門下省

檢正諸房公事

林提紹熙元年八月二十六日以朝請即到任紹

熙二年七月十八日磨勘轉朝奉大夫當日

改江西轉運判官

虞儔紹熙二年八月初七日以朝奉大夫到任二

年二月初二日得旨與郡

陳倚紹熙三年二月六日以朝散大夫直徽猷閣

到任四年二月十七日除大理卿

陳杞紹熙四年三月二十八日以奉直大夫到任

慶元元年正月十一日除侍右郎官

謝源明慶元年二月二十五日以朝請大夫直煥

章閣到任當年十一月二十一日召赴

行在

李大性慶元元年十二月十九日以朝散大夫到

任慶元三年三月 日召赴 行在

張伯核以朝請大夫監察御史除慶元三年三月

二十八日到任當年十一月二十一日除直華

文閣知紹興府

張孝曾以朝請大夫新湖南運判除慶元四年

正月初五日到任當年四月二十七日除福

建運使

俞豐以朝請大夫浙西提舉除慶元四年五月

八日奉

聖旨除左曹郎官

傅伯成開禧二年四月十四日以朝議大夫到任

當年十一月初六日除直龍圖閣知慶元府

李珣以朝奉大夫江東提刑除開禧三年四月十

五日到任當年十月內應辦有勞特轉官

當年十一月十九日除直寶謨閣知紹興府

孫昭先以朝散大夫吏部郎中除開禧三年十二

月二十九日到任嘉定二年二月十七日召

赴 行在除尚左郎官

譙令憲以朝奉大夫直顯謨閣知婺州除嘉定二  
年八月四日到任四年九月初四日除直寶

蘇鄂文閣江東運副

趙彥俊以朝散大夫考功郎中除嘉定四年十二

月十五日到任次年四月十六日除直祕閣

李珣當年八月初一日除寶謨閣知紹興府

王渥以朝奉大夫浙東提舉除嘉定五年八月十

朝外六日到任次年三月二十八日除知贛州

程覃以朝散大夫浙東提舉兼權慶元府除嘉

定六年十月二十三日交割職事仍舊兼權

邵大受紹興二十七年三月二十三日以左朝散

大夫到任當年十一月十六日除浙東提刑

都察紹興二十八年四月二十九日以左朝奉大

夫到任紹興三十年二月初一日改除戶部

郎官總領錢糧

張庭實紹興三十年五月初七日以左朝散大夫

到任紹興三十二年十二月二十三日得替

喻樗紹興三十二年十二月二十四日以左朝奉

大夫到任乾道元年二月二十五日得替

高敏信乾道元年二月二十六日以左朝散大夫

到任乾道元年八月十二日罷

宋藻乾道元年八月二十一日以左朝散郎到任

乾道三年四月五日主管台州崇道觀

徐歲乾道三年八月二十六日以左朝散郎到任

乾道五年六月初三日知秀州

蘇嶠乾道五年十月初五日以右朝奉郎到任乾

道七年六月初八日召除吏部郎官

唐闕乾道七年六月二十一日以右朝散郎到任

當年七月二十四日改除戶部郎官淮西總

領

知慶元府嘉定八年五月二十五日除侍右  
郎官

葉箋嘉定八年六月二十一日以朝請大夫賜紫

金魚袋到任嘉定九年正月一日除直祕閣

知紹興府

沈暉以朝議大夫祕閣修撰知平江府除嘉定十

年七月初十日到任十二年八月十二日除

太府卿

汪綱以朝請郎直祕閣新知婺州除嘉定十三年

十二月十三日到任十四年十月兼權紹興

府十二月除直煥章閣知紹興府兼權十七  
年四月除直龍圖閣知紹興府兼權寶慶元  
年四月除右文殿修撰再任仍兼二年七月  
除集英殿修撰再任仍兼二年九月乞差正  
官旨依大夫必閣知對狀平政而創書字

麋溧以太常少卿除寶慶二年十月初五日到任  
汪統以侍右郎官除紹定元年十二月二十八日

葉棠到任四年五月二十一日宮觀

葉棠紹定四年五月二十一日以浙東提舉暫兼  
七月十六日正除提刑八月七日到任六年

十一月四日除金部郎官十三日除直徽猷  
閣知紹興府浙東安撫使

李大謙以尚右郎中除端平元年正月初八日到

任

牛大年以侍左郎官除端平元年三月十一日到

任當年八月二十四日除直敷文閣主管建  
康府崇禧觀

曹豳以浙西提舉除端平三年二月二十九日到  
任十一月十八日召赴行在除工部郎官

又除國子司業未行又除左司諫

潘剛中以太府寺丞除嘉熙元年三月三日  
到任二年閏四月二十三日召赴行在除待右

郎官

項容孫以侍右郎官除嘉熙二年五月二十二日

到任三年二月七日除尚左郎官

章謙身以知衢州兼嘉熙三年六月十一日交割

十二月十三日除直祕閣浙東提刑兼知衢

州嘉熙四年十一月宮觀

馬光祖淳祐元年二月十九日以浙東提舉兼權

九月十一日除直寶謨閣浙西提刑

卿兼知臨安府浙西安撫

陳仁玉開慶元年十一月初四日以祕書郎兼禮

部郎官兼崇政殿說書除直祕閣浙東提刑

兼知衢州十一月初十日到任景定元年五

月二十九日特陞直華文閣依舊八月十二

日陞直敷文閣依舊九月初二日回司二十

九日離任

魏克愚以金部郎官除景定二年正月二十八日

到任五月一日除直祕閣依舊仍兼知婺州

兩具辭免二十二日除直寶章閣兩浙運判



孫子秀景定二年五月二十三日以浙西提刑陞直華文閣除仍兼知婺州當年七月十一日到任景定三年正月十九日依所乞免兼婺州回司二月初二日離任

曹亨慶以前湖南運判陞直寶章閣除景定三年四月二十二日到任九月初六日除右正言兼侍講

李希端平憲大謙之子以知吉州除仍兼權知溫州於景定三年十二月十二日交割職事四年十一月二十六日赴行在奏事五年二

月十二日除刑部郎官二十一日除直寶謨閣知紹興府浙東安撫

蔡抗以江東提刑除淳祐十一年三月二十二日到任七月二十三日依舊直寶謨閣浙東提刑兼知婺州次年正月一日除國子司業兼資善堂贊讀

袁立儒以福建提舉除淳祐十二年十二月二十二日到任

尤端以度支郎官除寶祐元年十月初七日到任饒虎臣以前福建運副改湖北運副兼知鄂

州未赴除於寶祐二年十月十七日到任四年

正月一日除太府卿

汪應元以主管建康府崇禧觀依舊職除寶祐

四年三月二十一日到任

顧岳以大宗正丞兼刑部郎官除於寶祐四年

九月五日到任除直祕閣職任仍舊十一月十

七日除左曹郎官

何夢祥以軍器監兼崇政殿說書除於寶祐五年

十一月二十八日到任開慶元年九月二十

日除直華文閣湖南提刑二十六日除司農

徐鹿卿淳祐元年七月五日以江東運判知太平

州除九月十日除直祕閣依舊提刑仍暫

兼提舉於十月二十日到任

呂午以新知泉州除淳祐二年十一月初四日到

任三年四月二十七日除監察御史

陳晉接以祕書省著作郎兼宗學博士兼權侍

左郎官於淳祐三年六月初五日除仍時暫

兼權發州十九日交割本司職事淳祐四年

二月免兼發州回司三月二十七日除將作

少監

趙性夫以右曹郎官除淳祐四年九月一日到任  
六年十月十八日除直華文閣再任淳祐七  
年五月六日除直徽猷閣知紹興府浙東安

撫

楊伯岳以吏部郎官除淳祐七年五月十六日到

任八年正月一日除樞密院檢詳諸房文字

高斯得以知嚴州除淳祐八年七月二十八日到

任九月二十一日除江西運判

洪彝以江西提舉除淳祐八年十一月十六日到

任九年十一月九日除直祕閣依舊十年

月初四日除浙西提刑

朱應元以浙東提舉進直顯謨閣除景定五年二

月八日交割二十六日除監察御史

員八日交傳二十六日創設察御史  
未熟示以浙東對舉直隸關外景文三十二  
員除四日創設西對師

提舉題名

提舉常平倉事創於熙寧二年崇寧中又置提舉  
茶鹽事紹興中合常平茶鹽為一司初置治于  
蘇大觀中又徙杭宣和以後遂定治于越自熙  
寧以來或併或省治所移徙亦不一以故姓名不  
復可考斷自宣和六年孫莊以下備錄如右

孫莊宣和六年四月十八日以朝請郎到任宣

和七年二月十六日得替

王賜宣和七年四月初四日以通直郎到任當

年七月初八日罷

鄭松年宣和七年七月初八日以通直郎到任

建炎二年八月初三日得替且通直郎到

張伯舊建炎二年八月初三日以通直郎到

任當年九月初十日致仕

李遷建炎二年十一月初二日以朝請大夫到

任建炎三年九月二十三日致仕

蔡向建炎四年二月初七日以承議郎到任

紹興二年二月初十日得替

王然紹興二年二月初十日以右朝奉大夫到

任紹興三年三月初六日罷

韓協紹興三年三月二十七日以右奉議郎到

任紹興五年四月初七日得替

韓臨有紹興五年四月二十七日以左朝奉大夫

到任當年閏二月十三日奉 聖旨常平

併入茶鹽司仍以提舉茶鹽常平等公

事為名紹興七年四月二十九日替

胡說修紹興七年四月二十八日以右朝請大夫

到任紹興九年正月初五日致仕

張宇紹興九年三月十七日以左朝請郎到任

當年九月十三日奉 勅常平司職事



紹興二十二年六月初三日致仕

高百之紹興二十二年六月二十九日以右通直

郎直祕閣到任紹興二十四年十二月十

八日改除温州

黃允紹興二十五年正月初二日以右朝請大

夫到任權當年六月二十一日正除當年

十一月二十五日罷

趙公稱紹興二十六年四月初七日以左承議

郎到任紹興二十七年二月一日除江西

運判

十七日到任次年四月二十九日除直祕閣

當年十月十七日除中書門下省檢正諸房

公事

李洪以朝奉大夫浙東提舉除慶元六年閏二月

二十八日到任當年五月二十九日罷

周璘以朝議大夫湖北提刑除慶元六年十月二

十四日到任嘉泰元年正月十三日以應辦

有勞除直敷文閣當月十九日宮祠

煥以中奉大夫大常少卿除直顯謨閣除嘉泰

元年六月初六日到任嘉泰二年四月二十

六日召赴行在  
時佐以中大夫直華文閣淮南運判除嘉泰二年  
十二月三十日到任

施康年以朝請大夫福建提刑除嘉泰四年三月

三日到任當年十月二十七日除司農卿

權安節以朝散大夫司農卿除充祕閣修撰除嘉

泰四年十一月十七日到任常年十二月十

六日改差知鄂州

趙時逢開禧元年正月初十日以朝散郎直祕閣

到任次年正月十七日召赴

鄭良嗣乾道七年八月初九日以右承議郎到任

乾道九年九月十八日除福建提刑

劉孝躋乾道九年十月十一日以右朝奉大夫直

祕閣到任淳熙元年八月內除直徽猷閣當

月二十六日赴召

折知常淳熙元年九月初二日以宣教郎到任淳

熙二年三月十五日罷

陳舉善淳熙二年四月十九日以承議郎直龍圖

閣到任淳熙三年七月十七日除浙西提刑

何侗淳熙三年八月二十七日以朝散郎到任淳



河海熙四年八月十五日改福建提舉

姚宗之淳熙四年八月十七日以承議郎到任淳

熙六年二月二十五日除浙東提刑直詣

李宗質淳熙六年三月初八日以承議郎到任當

於味年十一月初四日罷二日以宣議郎到任

趙韞淳熙六年十一月十四日以承議郎到任淳

熙八年十二月初五日得替召赴行在

朱熹淳熙八年十二月初六日以宣教郎直祕閣

到任淳熙九年九月十二日除直微猷閣除

禮身江西提刑平八日除六日除承議郎

余禹成淳熙九年九月二十三日以承議郎到任

淳熙十年十月二十三日罷

勾昌泰淳熙十年閏十一月初八日以奉議郎到

任淳熙十二年十月二十二日除浙西提刑

岳甫淳熙十二年十一月十一日以承議郎到任

淳熙十三年十二月十四日知明州

田渭淳熙十四年二月十七日以奉議郎到任次

年六月內除直祕閣十六年正月內除考功

禮部郎官

袁說友淳熙十六年正月十八日以朝請大夫到

袁信任當年七月十三日改除浙西伯從刑大夫降

鄭湜淳熙十六年八月十七日以承議大夫郎到任紹

熙二年二月十二日知建寧府

李沐紹熙二年四月十七日以朝奉大夫到任當年

九月十六日改江東提舉

黃唐紹熙二年十一月初一日以朝請郎到任紹

熙三年十月一日奉旨與郡縣

陳杞紹熙三年十二月二日以奉直大夫到任紹

熙四年三月二十八日除本路坦以刑

衛涇紹熙四年五月十九日以朝散郎到任日

李六月二十七日丁母憂

李謙紹熙四年七月十五日以承議郎到任紹熙

五年八月四日赴召

李大性紹熙五年十月二十三日以朝散郎到任

慶元元年十二月十九日除本路提刑

莫漳慶元二年五月七日以朝議大夫直祕閣到

任當年八月二十四日罷

劉誠之慶元二年十一月四日以朝奉大夫到任

慶元四年五月二十七日除直祕閣知平江

蘇公府

趙公豫慶元四年七月十一日以出奉大夫到任

慶元五年五月二十日召赴行在

李洪慶元五年七月初三日以朝奉大夫到任慶

元六年閏二月二十八日除本路提刑

葉籤慶元六年八月二十八日以朝奉郎直祕閣

到任嘉泰元年正月內除直煥章閣當年

李六十月內改除江東提舉

張經嘉泰元年十二月初二日以知判請大夫到任

李維嘉泰三年八月內改除湖北提刑

李浹嘉泰三年十月初八日以朝奉大夫到任嘉

泰四年二月二十日磨勘請大夫當

六月二十六日召赴行在

章燮嘉泰四年七月十九日以朝散大夫到任開

禧元年八月十三日磨勘轉朝請大夫二年

三月除直寶謨閣再任三月十二月進職年

差知紹興府

魯开開禧三年四月十九日以朝奉大夫到任當

年十二月初六日轉朝散大夫嘉定二年正

王禹月內被召

孟植嘉定二年四月初五日以朝請大夫到任嘉

孟獻定三年四月二十日罷

王遇嘉定三年七月二十四日以劾判散郎到任嘉

定四年閏二月初六日改除太宗正丞

王渥嘉定四年閏二月初十日以劾判請郎到任當

年十一月初六日磨勘轉朝奉大夫嘉定五

年八月一日除本路提刑

程覃嘉定六年正月十四日以朝奉大夫到任當年

章煥七月初四日磨勘轉朝散大夫當年十月

十一日除本路提刑兼權知慶元府

韓元禮嘉定六年十月二十九日以通直郎到任

當年十二月十二日因進

王傑轉奉議郎

嘉定八年八月二十八日除刑部郎官未赴

闕間當年十月初九日以鹽課增羨轉承議

郎當日除直祕閣知慶元府

李琪嘉定八年十二月初五日以承議郎到任嘉

定九年五月二十三日兼權本路提刑嘉定

十年正月十一日除禮部郎官

趙伉夫嘉定十年正月二十四日以朝散郎到任

當日兼本路提刑次年三月初一日磨勘轉

朝請郎當年十月二十六日除福建運判

俞珪以朝散郎知台州除嘉定十一年十一月十六日到任當月三十日磨勘轉朝請郎次年二月初九日因任台州日催督補獲強寇有勞轉朝奉大夫八月十三日兼權本路安撫提刑嘉定十三年九月十三日除知大宗正丞

章良朋嘉定十三年十一月初七日以承議郎到任以磨勘轉朝奉郎嘉定十四年九月二十八日兼權知慶元府因該遇進寶赦特轉朝散郎以調度兵將捕獲海寇轉朝請郎十

五年十二月十四日除尚左郎官  
齊碩嘉定十六年十月十七日以通直郎到任在任轉奉議郎十七年七月被旨兼權慶元府當年覃恩轉承議郎寶慶元年十二月除金部郎官

金鑄寶慶二年以朝請郎正月十一日到任寶慶三年四月差知汀州

李壽朋寶慶三年以朝請大夫直寶章閣十月十九日到任紹定元年十一月除左曹郎官十二月除直寶謨閣知平江府

余鑄紹定元年以朝奉大夫十二月十二日到任當  
月二十七日除右曹郎官兼右司郎官

葉崇紹定二年正月以朝請大夫到任十二月斬自

權台州四年二月除直寶謨閣依舊回司斬自

權浙東提刑紹興府浙東安撫七月依舊恩職

除浙東提刑暫權提舉紹興府浙東安撫

黃壯猷紹定六年以朝奉大夫九月二十六日到任

任十一月暫權提刑端平元年七月除金部

郎中

曾天麟端平元年以朝散大夫八月初一日到任二

年十二月除都官郎官

陳振孫端平三年二月初六日以朝散大夫知台

州兼權八月正除十月二十八日到任嘉熙

元年五月改知嘉興府

衛洙嘉熙元年以朝請郎六月十七日到任二年

十月十七日除右曹郎官

范鎔嘉熙三十以朝奉大夫四月二十六日到任

日年十一月除侍左郎官

馬光祖嘉熙四年以朝請大夫直祕閣十二月二

十六日到任淳祐元年二月兼權提刑九月

進直寶謨閣除浙西提刑

表立儒淳祐二年以朝奉大夫直祕閣五月初三

日到任三年二月除侍右郎官

童願淳祐三年以朝散大夫直寶謨閣五月初一

日到任四年六月除將作監七月除直華文

閣依舊浙東提舉五年七月滿替

章端子淳祐五年以朝奉郎七月二十四日到任

六年合兼權温州十月離任

趙與杰淳祐六年以朝請郎軍器監除十一月二

十一日到任八年正月除司農少卿二月除

直寶謨閣依舊浙東提舉暫兼提刑六月除

太府卿

嚴粲淳祐九年以朝請郎八月二十一日到任十

年正月除倉部郎官

馬天驥淳祐十年以朝請大夫直祕閣二月十八

日到任十月除宗正少卿又除祕閣修撰知

紹興府仍兼提舉

謝奕修淳祐十一年以朝議大夫直華文閣閏十

月初七日到任十一月初四日丁父憂

程沐淳祐十一年以朝請郎二月十二日到任八

趙隆孫寶祐元年以朝請大夫六月十三日到任  
寶祐二年五月除直祕閣知泉州兼提舉

福建市舶使

吳革寶祐二年以朝奉郎八月十三日到任三年

八月除尚右郎官兼權左司

季鏞寶祐三年以朝奉郎十一月初六日到任寶

祐五年二月召赴行在奏事

趙璵夫寶祐五年以朝議大夫四月十五日到任

寶祐六年十二月赴都堂稟議

趙希槐寶祐六年以朝奉郎樞密院編修官兼權

右曹郎官權浙東提舉十二月初七日到任

開慶元年二月正除九月除右司

史旬之開慶元年以朝議大夫九月二十八日到任

十一月十九日離任

鄭雄飛景定元年以朝散大夫直寶章閣除

兼權紹興府浙東安撫司職事五月初八日

到任當年八月召赴行在奏事九月除尚

左郎官兼太子侍讀

林光世景定元年以朝奉大夫將作監除十月十



八日到任十一月時暫兼權紹興府浙東安撫二年五月除直祕閣依舊十月勅特賜同進士出身十一月除司農少卿

錢可則景定三年以承議郎直徽猷閣六月十五日除左曹郎官四年正月除軍器監兼左曹郎官

朱應元景定四年以朝請郎直徽猷閣四月十三日到任十月時暫兼權紹興府浙東安撫五年正月直顯謨閣除浙東提刑兼提舉時暫兼權紹興府浙東安撫二月除監察御史兼

崇政殿說書

李獻可景定五年以奉議郎兼權提刑五月初一日到任

會稽續志卷第三

安撫司簽廳

屬官廨舍附

安撫司簽廳在府治儀門之西嘉定十六年汪綱重建而移門於儀門之外

參議機宜撫幹舊無廨舍皆僦居於市嘉定十六年汪綱以武憲舊衙析而改創廡列有序參議滕璘作題名記紀之甚詳

通判廳

通判北廳在府治之東嘉定十七年夏通判府事沈繹召為大理正繹去郡守汪綱亟捐錢二百萬重葺

之於是庭宇稍整潔便坐之前多植木犀嘉泰辛酉  
施宿因名之曰桂堂有小園頗幽雅一池清潔可愛  
嘉定甲戌袁申儒臨池作亭名曰淶秀池傍環植以  
梅袁於梅林中作亭摘曾子固憶越中梅詩冷香幽  
豔向誰開之句名曰冷香又一亭亦袁作名曰逍遙  
遊曾子固倅越劉貢父以詩送之云君爲逍遙遊亭  
名本諸此袁又作一室曰卧龍齋以其簷俯卧龍之  
麓也齋傍地形稍高爽宜於觀眺湖山之勝盡在目  
前嘉定癸未沈繹作亭命之曰會稽圖畫有井極清  
冽泉脉來自卧龍齋唐文集有越州通判廳事後新

鑿方井詩云卧龍山脚寒巖底沮洳泥涂不記年疏  
引一朝逢智匠坐令咫尺變璇淵待時藏用懷靈德  
濟物施功假世賢留作越人詞詠事召棠陰下酌貪  
泉惜開井之倅姓名不傳

通判南廳倅史文卿創世綵堂其父定之時爲江東  
倉使有記載其事後史安之爲代葺治加備有水竹  
橋亭之勝

通判東廳乃真外置久廢不差解字舊寓武憲廳嘉  
定十七年以監六部門顏耆仲爲添差通判郡始葺  
路鈴廳爲之先是有路鈴一真專一修奉 攢宮十

六年臺察李伯堅乞罷去路鈴降一旨差通判一員  
專一主管至是始除者仲云

簽廳

簽廳敞甚外限僅以竹籬見者陋之嘉定十七年守  
汪綱重修及創倅幕位次重建兩廊大門於是稍稱  
大府之體

鄉

餘姚

雙鴈鄉在餘姚縣東南一里孔曄記云虞國餘姚人  
為日南太守有惠政行部有雙鴈隨軒翔舞秩滿還

家鴈亦隨歸遂生息成羣國死猶依其墓不去

上虞

游謝鄉俗傳謝康樂舊游

鎮

山陰

錢清鎮在縣西北五十里行人至此多有待潮過堰  
之阻故陳淵有詩云江潮來去自有時扁舟閣淺心  
如飛岸容霜竹青照眼春信梅花香撲衣天寒鄞江  
道路阻歲晏錢清風俗非故園回首二千里落日看  
盡行雲歸

蕭山

西興鎮前志云西陵城在蕭山縣西十二里吳越武  
肅王以西陵非吉語遂改曰西興今按越絕書浙江  
南路西城者范蠡屯兵城也其陵固可守故謂之固  
陵詳此即今之西陵也越絕書所云圖經前志俱不  
曾引及惜哉呂祖謙有西興道中二絕云鳧鷖迎船  
自有情隨波故起綠鱗鱗野花照水開無主誰信春  
歸已兩旬桑麻張王不知春帝恐鶯花太斷魂東岼  
紅霞西岸綠却將影色為平分

漁浦鎮在縣西三十里梁丘希範宋謝靈運唐孟嘉

然皆稱為漁浦潭對岸則為杭之龍山故潘閔詩云  
漁浦風水急龍山煙火微

會稽  
平水市在縣東二十五里元稹序白氏長慶集云予

嘗於平水市中見村校諸童競習歌詩召而問之皆  
對曰先生教我樂天微之詩固亦不知予之為微之  
也其自注云平水鏡湖傍草市名

蕭山

臨浦市在縣南三十里唐施肩吾詩有旅次臨浦市

者即此地也

上虞

五夫市在縣北三十五里有唐會昌三年余球五大夫市新橋記刻於市中一石塔之下前志碑刻門云石不存蓋未嘗見此刻也

太宗時馬元方為三司判官建言方春民乏絕時預給官錢貸之至夏秋令輸絹於官故曰和買然在昔止是一時權宜措置至於一歲之間或行於一郡邑而已祥符中王旭知穎州因歲飢出庫錢貸民約誓

熟入輸一縑其後李士衡行之陝西民以為便至熙寧新法之行乃施之天下示為準則是時會稽民繁而貪所貸最多此據五明清揮塵錄後來錢既乏支所買之額不除遂以等戶次資產物力而科配焉然會稽為額獨重於他處故至今以為病建炎三年九月二十四日御筆朕累下寬恤之詔而迫於經費未能悉如所懷今聞東南和預買給其弊尤甚可下江浙減四分之

一以寬民力紹興遂獲減免如詔旨紹興二年九月十七日守臣朱勝非又有請詔蠲免十分之一紹興八年二月二十八日以此郡和買太重又減一

萬匹其累減如此其數尚一十四萬六千九百三十  
八匹故淳熙中提點刑獄張詔乞用畝頭均科奏狀  
云浙東七州歲發和買二十八萬匹紹興一府獨當  
一路之半詔不知此是累減之數向來何止當一路  
之半耶淳熙八年閏三月一日指揮除豁 德壽宮  
延祥莊泰寧寺并 兩攢宮及諸縣耕牛賃牛所科  
二千六百五十三匹三尺三寸淳熙十六年八月二  
十三日又持減四萬四千二百八十四匹三尺六尺  
七寸遂以一十萬匹為額內本色七萬九千三百八  
十一匹三尺九寸折帛二  
萬六百二十八匹  
三丈六尺一寸

### 陵寢

王明清揮塵錄紹興初 昭慈聖獻皇后升遐曾紈  
以江東漕兼攝二浙應辦用元符末京西漕陳向故  
事也 朝論欲建山陵紈議以謂 帝后陵寢今存  
伊洛不日復中原即歸祔矣宜以 攢宮為名僉以  
為當遂用之後 顯仁皇后祔 永祐陵遂易殯為  
攢然 攢宮之名實始於紈之請也  
寧宗皇帝永茂陵其地乃泰寧寺之舊址也嘉定十  
七年冬命吏部侍郎楊燁為按行使燁歸奏云云獨  
泰寧寺之山山岡偉特五峯在前直以上皇青山之

雄翼以紫金白鹿之秀層巒朝拱氣象尊崇有端門  
旌旗簇仗之勢加以左右環抱顧視有情吉氣豐盈  
林木榮盛以此知其先帝弓劍之藏蓋在於此尋令  
太史局卜格一起一伏至壬而後融結宜於此矣  
詔遷寺而以其基定卜

宮觀

在城

天慶觀在府之東南本唐之紫極宮也大中祥符中  
令州郡各建天慶觀郡即以此宮應詔至今屋宇塑  
像造多當時舊物嘉定十五年守臣汪綱以

聖祖敕蓋瓦損漏木植亦多朽蠹乃重行敕葺踰  
載畢工簾帷供器易而新之以稱朝家崇奉之意  
又以錢二十萬命道士姜思正葺建觀之雨節於是  
祠庭之制益加整肅

會稽縣

告成觀在縣東南七里政和中即禹廟為之故自三  
清殿及三門兩廊皆政和以後所創獨禹廟為舊物  
梅梁至今猶在則其古可知矣嘉定十五年郡守汪  
綱視事來謁覩其朽損即命整葺葺既加蓋瓦又復甃  
砌於是殿宇內外丹堊彩飾燦然一新有右珪璧珮



環藏于廟初紹興二十七年祠之前一夕忽光燄閃  
爍人即其處斲之得焉乾道五年官命置籍圖其形  
使道士謹守之得挂歲月人已不詳獨王十朋會稽  
風俗賦云黃帝之鑑神禹之壁注云紹興丁丑祠前  
光見人得之今所存環壁及海梁識者以為皆非其  
真云

千秋鴻禧觀初賀知章早入道必其所居宅為觀始曰  
千秋尋改天長乾道四年郡守丞相史忠定公奏移  
天長觀額建於縣東南五里嘉祐十二年賜名千秋  
鴻禧仍為祠官典領之地前有直曰鑑湖一曲又一

亭曰懷賀皆史丞相建新額頗守汪綱以觀褊小  
無以揭虔即更新之為屋六十以廊間又增建真武殿

先賢列仙祠并賀祕監祠爽悉空

綱有刻字留柱間云杜少陵為賀公

作遺興詩有爽氣不可致之語古今絕得千秋建堂以此名之

又築一園于觀之

前曰賜榮

園門柱間綱題其上云一教賜鑑湖水為君臺治榮此太白憶賀詩也千秋觀園成

取詩中賜榮字以扁云

園有亭曰幽襟曰滄興曰醒心曰迎棹

皆綱所建又築長堤十里夾道比日種垂楊芙蓉有橋

曰春波跨截湖面春和秋半花出林影左右映帶風

景尤勝真越中清絕處也

龍瑞宮前志云在縣東南二十五里道家以為黃帝

時嘗建候神館於此至唐神龍二年置懷仙館開元  
二年因龍見改今額按宮有石刻龍瑞宮山界至記  
不知何人所記乃賀知章書云自黃帝建候神館  
宋尚書孔靈產入道奏改懷仙館神龍元年再置開  
元二年敕葉天師醮龍現改龍瑞宮是則懷仙館自  
宋已有之唐不過再置爾此前志失於詳考也有龍  
現壇祈禱極感應嘉定十四年浙東提刑汪綱以旱  
來禱設醮于宮忽有物蜿蜒于壇上體狀殊異不類  
凡虺人皆知神龍所變化也繼而雨如傾注葉迥有  
詩云感格孰如汪仲舉步虛未了龍來語會稽秦望

都洗清越人喚作提刑雨蓋記是也汪既領郡事遂  
重建龍祠頗為嚴飾又請於朝賜龍神廟額為嘉  
應廟云

寺院

圓通妙智教院在府東南有觀音大士素著靈異乾  
道九年自浙以東旱甚錢公端禮來守以秋後四日  
開府亟迎請釐其精禱應答如響注雨彌日歲遂中  
熟錢顧院宇庫陋圯壞弗稱崇敬以狀諭諸朝詔  
賜度牒十五道俾易其舊大士妙相乃錢武肅應夢  
來自永嘉大士應夢據王作重修院記云

報恩光孝禪寺在府南龜山龜山一名飛來山寺初  
名寶林唐光宅中舍利見改曰光宅乾符元年再建  
又改為應天元豐元年復曰寶林崇寧三年改崇寧  
萬壽禪寺尋又改崇寧為天寧有塔高三十三丈隨  
寺額以應天名錢端禮應天塔記云晉末有沙門曇  
彥與檀越許詢元度同造塔於山之椒彥有神異天  
降相輪故有應天之號前志拾遺門云應天塔今報  
恩寺浮圖也吳越春秋范蠡謂勾踐曰王之築城其  
應天矣蓋取此錢參政端禮撰報恩寺塔記云天降  
相輪故有應天之號恐別有證按范蠡此語自謂築

城於釋氏事何預烏得謂塔名取於此後來取寺名  
欲表降相輪之異故云應天塔應天二字偶同范蠡  
之語爾非取諸此也或謂應天名塔特取其高天  
降相輪理涉妄誕殆未然也紹  
興初以濮安懿王園廟寓焉郡守汪綱以錢十萬令  
寺僧重加葺修於是庭宇益整肅焉

戒珠寺在府東北舊志紀載頗踈略如寺初名昌安  
大中六年改戒珠皆不登載按唐咸通三年衢州刺  
史趙璘直書戒珠寺云浙東觀察治其東北有山曰  
戴在晉為王逸少別止尚留故池與祠堂又云陳太  
建初有天竺徒辨博神異及死葬山上其形數見後

夢語其門人曰必為卧像屋之以墜我則不見為之  
果如言而所構華壯敞潔甲於郭內所謂昌安寺者  
後值會昌廢毀大中初復許郡府量立寺宇而越州  
得其五昌安在詔中六年六月又別以戒珠為名

會稽縣

泰寧禪寺在縣東南四十里舊號證慈紹興初詔十  
昭慈聖獻皇后橫宮以證慈視陵寺遂改賜今名自  
後永祐諸陵修奉皆在焉嘉定十七年以其地充  
永茂陵楷宮十月乃移寺於顏家山增創神位殿法  
堂方丈廊廡為屋二百五十餘間深邃顯敞比舊不

侔矣

淨勝院前志云在縣南二十里唐中和三年齊肇以  
其祖丞相抗書堂建號水雪塔院治平二年改賜今  
額按齊唐集有量壽聖壽寺詩唐昌注云初遠祖相  
國以所居石傘書堂建詩云建中天子寄彌綸築隱  
商巖舊業存麟筆有文藏冊府先祖兼四修國史馬車流慶屬  
衡門金繩寶構新空界劍樹真遊接元原貌矣諸孫  
愧前躅脫身仍謝北山猿是院中間嘗為聖壽寺矣  
前志不書蓋失於詳考也

山陰縣

本覺寺在縣西北十五里梅山有適南亭熙寧中郡守程師孟所創適南蓋取莊周大鵬圖南之義云陸佃為之記嘉定十五年郡守汪綱以其為梅子真故居因重加整葺於是庭宇復遠舊觀

天衣寺在縣西南三十里寺有唐人徐季海元微之白樂天李公垂諸作者詩文碑刻有化身普賢及飛來銅像化身普賢即晉僧曇翼棲此誦法華經感普賢應現詳見李邕所撰寺碑飛來銅像即酒南維衛無量壽佛像云是阿育王第四女以姿貌寢陋異其端嚴捨金銅冶鑄斯像四十九軀首飾火焰足飾蓮

華布四天下為衆生植福之本此山得其一靈異之跡見於王之道記云

嵯縣

龍藏寺在縣北四十五里舊號龍宮院有巨井深浚水色紺寒疑有蛟龍居焉又有老松如龍數百年物也唐李紳少嘗經游賦詩其序云此寺摧毀積歲正元十八年予為布衣來游有僧曰脩真自言居龍宮寺謂予言異日必當鎮此為修此寺時以為狂易之言不之應至元和三年予以前進士為故薛華常侍招至越中此僧已卧疾使門人相告曩日所言必當

鎮此修寺之託幸勿見忘僧言寺有靈祇相告爾子  
問疾已不能對及後符其言而詢其存沒則僧及門  
人悉殂謝召僧會真以俸錢為葺之累月而畢以成  
其往願也寺成紳復為作文刻石以記故僧擇璘有  
詩云弔古有心懷短李拂塵無方看豐碑

餘姚

普滿寺在縣東北之十里前志云周顯德六年建號  
靈瑞塔院大中祥符元年改賜今額按寺有一銅牌  
其上鐫刻云建隆二年建此塔并屋舍因曰靈瑞塔  
院稱越為東都善置時尚屬吳越也兼有德韶國師

名字韶善地里術故建立時預焉與前志所載歲月  
不同必前志誤也寺山即陳山有嚴子陵墓舊祠堂  
在廊廡間嘉定十七年郡守汪綱徙建於法堂之左  
仍創閣三間榜曰清風以致景慕之意

上虞

法界院在縣北一十五里圖經及前志云唐咸通二  
年建後唐同光二年吳越給利濟院額大中祥符改  
今額按寺乃因利濟廟神而建寺有古斷碑云寶歷  
元年掘石移基大和三年起門樓院宇等又唐人廟  
記云院與廟名咸為利濟會昌五年天下廟庭例行

停廢惟此廟宇獨興留存後佛教重興一切仍舊

詳見

利濟廟詳記所言是則咸通之前已為寺久矣烏得

言咸通二年方建利濟之名唐已稱之又安得云吳越給額況自寶歷元年乙巳至咸通二年辛巳相去已三十六年其誤已不待言

定善院在縣東南里餘俗呼為南塔初無勅額紹興中李莊簡公光在政府以其先隴在縣之永豐鄉大雲壩有守墳精舍因申明乞額賜名定善後其家以定善之額移置此院院不知創自何時齊唐詩有題上虞南塔院云鴈級指高具以瞻地域靈路尋滄海

山帶沃州青則南塔之名其亦久矣

新昌

寶相寺本縣西南五里齊僧護嘗隱於此護始到夜聞鍾磬僊樂之音又時現佛像煒燁可駭繇是啓願鑿百尺彌勒像像成端嚴偉特名聞中外其取異者像自石中鑿出今佛身之後石壁之上有自然圓暈如大車輪正當佛首而四方闊狹一同無毫釐差佛身高廣則咸平僧端辨嘗記之云按劉勰舊記齊永明四年有浮屠氏厥號僧護嘗茲矢誓期三生恭造彌勒之像梁天監十二年二月始經營開鑿之洎畢

龕高一十一丈廣七丈深五丈佛身通高一十丈座  
廣五丈有六尺其面自髮際至頤長一丈八尺廣  
如之目長六尺三寸眉長七尺五寸耳長一丈二尺  
鼻長五尺三寸口廣六尺二寸從髮際至頂高一丈  
三尺指掌通長一丈二尺五寸廣六尺五寸足亦如  
之兩膝加跌相去四丈五尺壯麗殊特四八之相罔  
弗畢具諒嘉陵并郡石像外至於斯天下鮮可  
比擬者  
祖印院在縣西南二十里初開元時僧神楷造維摩  
大疏一十二卷映水就巖搏泥白像楷高僧也嘗云

洛陽西明首座明皇欽宗之遺址有庵上石瀑布  
下數百尺驚雷撼雪動人耳目巖下清泉一滴烈日  
凍雨皆無盈縮味清甘甲於衆水紹興十一年張浚  
嘗爲院記云唯嶽縣之南二十里有南巖相傳是海  
門大禹時決水東注積砂成岵三山坡陀環繞其東  
斷如玉玦東晉永和歲中高僧釋暉始小築於此五  
代時錢氏以院分屬新昌唐朝賜額名咸通 本朝  
治平初賜今額自天姥嶺驛路斗折入小徑松杉排  
立如人物可數夾徑有兩浮圖前有乳香巖殿雜花叢  
竹陸離可觀巖腹有仙骨巨棺其嶮不可梯方臚寇



入山從絕頂垂綆下窺指中之藏唯見所脫骨甚大  
與今人異其色微紅如餘霞也後山之巔有古釣車  
云是任公子以五十巨犗釣於會稽時所作

### 祠廟

#### 府郭

城隍顯寧府在卧龍山之西南神州牧靡玉也自唐  
初立祠於此廟有梁開平武辰歲吳越錢王重修墻  
隍神廟評墻隍即城隍也武辰即戊辰也避朱梁諱  
故以墻代城武代戊嘉定十七年郡守汪綱重修舊  
雖以一僧掌香火而實無棲止之所綱於祠之西別

創佛室齋堂寮舍厨湔無不備具俾常居以供香火  
鮑郎廟前志云鮑郎廟在府南二里二百四步不言  
鮑郎爲何時人及立廟之因按輿地志鮑郎名蓋後  
漢鄧邑人爲縣吏縣嘗俾捧牒入京留家酣飲踰月  
不行縣方詰責已而得報章果上達審究實然既死  
葬三十年忽夢謂妻曰吾當更生盍開吾冢妻疑不  
信再夢如初乃發棺其尸儼然如生第無氣息耳冥  
器完潔若日用者冢之四傍燈然不滅膏亦不銷郡  
人聚觀咸神怪之立祠以祀自梁大通以來靈應益  
著廟初曰永泰王廟崇寧二年豐稷奏永泰犯

哲宗陵名乞改為靈應詔如其請自後累封至忠嘉  
威烈惠濟廣靈主神鄮人而廟亦見於越者蓋唐開  
元以前未創為明州時鄮縣隸越故越亦有廟

會稽縣

昭順靈孝夫人廟在縣東七十二里曹娥鎮善漢上  
虞孝女曹娥也娥葬於祠之後祠在江之南江之北  
即隸上虞墓地及祠舊屬上虞不知何時撥隸會稽  
也政和中加封其告中尚云越州上虞縣靈孝夫人  
則政和以後方隸會稽神靈異昭章往來析潮濟江  
信若影響屆舊曰貞孝今廟中有石刻尚存可考天聖以後但

曹娥廟蓋避

仁宗廟諱也大觀四年八月封靈孝夫人告祠權中書舍人字

文粹政和五年十一月以高麗遣使入貢經從適值

小汛嚴祭借潮即獲感應麗人有請加封靈孝昭順

夫人告祠云勅越州上虞縣靈孝夫人爾以女子能

今麗人來享有禱祠下義能體國響應甚明王人有

言肆加封號仍葺廟宇用嘉忠勤嗟爾有靈稱茲休

顯可特封靈孝昭順夫淳熙中皇子魏王判明州經

過亦值小汛祈禱借潮感應廟歷歲久頽弊後有亭

曰雙檜一日為大風折木屋亦隨毀嘉定十七年郡

守汪綱王里修及再建雙檜亭并娥父曹府君祠堂及

朱娥祠堂廟前臨大江汪復以錢五百萬命工疊石為隄凡七十丈以為風濤之障

嘉應廟即龍瑞宮龍神之祠十七年七月汪綱有請于朝賜廟額為嘉應蓋以禱雨有應云

嶧縣

嶧浦顯應廟在縣北四十五里慶元元年賜額神姓

陳名廓神名據王十朋嶧山賦云睦州青溪縣人嘗為台州永安

縣令永安即今仙居始過此目山水之勝絕陰有小居之

意秩滿再經從忽舟覆遂溺死自爾靈顯民遂祠之

稱為陳長官廟晉天福初有神兵之助遂封為上善

濟物侯嘉泰三年樓公鑰修廟記云酈道元之註水

經出於後魏已言嶧山北有嶧浦浦口有廟廟甚靈

驗行人及樵伐者皆先敬焉若相盜竊必為蛇虎所

傷則廟已古矣幽冥之事不可究知傳記亦有謂靈

祠間有以剛方之士代之者建炎虜騎入越而叛兵

欲犯邑境以神之威不戰而退乾道嘗賜香茗之奠

丞相謝公深甫布衣時由丹丘赴南宮神已告之富

貴之期是舉登科作尉此邑事之尤謹既登樞筦賜

廟額曰顯應公之力也

阮僊翁廟在縣南十里阮肇故宅也王十朋有詩云

再入山中去煙霞鎖翠微故鄉遺宅在何日更來歸

餘姚

嚴先生祠在縣東北之十里陳山孫應時客星橋記云自漢建武以來千餘年嚴先生之高風激越宇宙天下尊之無異辭先生吾餘姚人也晚耕於富春山富春析而為桐廬釣臺屬焉自文正范公建祠而記之釣臺之名大顯崖石草木得以衣被風采發舒精神傳繪於天下其邦人尤以為榮而吾邑之地靈人傑世反不傳非闕歟土俗所記吾邑少東江瀨粼粼上下常有聲是為子陵灘蓋其初之釣游處也東

十里有奇峰曰陳山拔立千仞秀表一方而叢石隆起在山之陰據峻陁俯長川以望東海是為嚴先生墓蓋嘗家是山而歸葬也旁又有山曰嚴公山有古叢祠曰先生廟其應史如此豈誣也哉乾道中故太師史公鎮越始告縣表墓道起精舍曰客星菴而為之田長吏以時奉嘗

上虞縣

遺德廟有二一在五夫鎮一在法界院前志云利濟侯廟在縣北二十五里今廢蓋失於稽考不知利濟侯廟即今遺德廟也按慶曆甲申有李晏如得唐人

所撰利濟廟記重刻于石兵火其刻不存里人尚以  
紙本轉相傳授其記云神周氏諱鵬舉字垂天會稽  
人東晉時登第初宰上虞守鴈門俄而心思退讓志  
務幽閑念昔上虞北曾遊魚浦湖遂乘白駒泛舟全  
家沒於水自是數示靈響民遂立祠奉之號曰僊官  
廟詳見白馬湖條下初廟於湖壩神頗威爾民甚畏憚血食  
日盛明州天童僧德曇聞之以慈力化導俾歸正覺  
自是祭奠唯用蔬茹且願以廟庭為僧廬鄉人孔澤  
趙瑗謂地勢洼狹非立伽藍之所咸請禱願遷于他  
所忽大風四起朱紱及香爐皆墮風而去二人視其

爐紱所止處聞之於官官為奏陳得旨今建置梵宇

祠堂以院與廟名咸為利濟政和元年以兩浙轉運

司奏越州上虞縣白馬湖上廟利濟侯祈求感應乞

優賜爵號九月十七日奉勅賜廟額曰遺德宣和

七年八月封威惠侯其初詞云浙部使者言上虞遺

若素旗出于廟中賊衆駭愕謂官軍已至因遂退走

赫然明靈實相天討保完一方朕甚嘉之其增禮命

賜爵為侯以大震顯神之威德俾淳熙元年五月封

靈佑威惠侯法界祠中尚藏吳越錢王所賜紫袍犀

帶及鐵鞭之屬睦寇犯境有素旗之異者乃五夫祠也

通澤廣利侯廟前志云在縣南五十里即方石聖官  
吳越封通澤將軍熙寧八年封廣利侯云吳越封通  
澤將軍失於稽考也按天聖六年齊唐作重修豐利  
將軍廟記云神曰方石聖官乾德元年雲漢遘癘縣  
令盧釋躬禱于廟豐注如響一境霑足繇是露板得  
請錫今號曰豐澤將軍云吳越所封誤矣豐澤前志  
云通澤蓋訛豐為通也

會稽續志卷第三

會稽續志卷第四

山

府郭

卧龍山前志云吳越備史云遜王侗於卧龍山置園  
亭為歌詩亭榭間紀錄皆滿卧龍山名始見於此前  
志未詳按元稹州宅詩序云州之子城因種山之勢  
盤遶迴抱若卧龍形故取以為名是山名卧龍蓋始  
於元稹錢鏐重修牆隍廟記有公署據卧龍高阜之  
語則昔人稱之屢矣非始見於錢侗也刁約云府據  
卧龍山為形勝處周回數里盤屈於江湖之上狀卧

龍也龍之腹府宅也龍之口府東門也龍之尾西園也龍之脊望海亭也味約之言山之形勢大略可睹矣地產茶張伯玉云卧龍山茶冠於吳越歲以充貢每貢則易稱爲瑞龍茶云

山陰

古博嶺在縣西四十里

俗訛爲虎博

往多虎豹棲止故姚

寬詩云北風獵獵駕寒雲低壓平川路欲昏人馬忽驚俱辟易一聲乳虎下前村

諸旣旦

五泄山在縣西南四十里有兩山夾谿造雲壁立

瀑奔瀉沿歷五級始下注溪壑故曰五泄飛沫如雪冥濛數里淙激之聲雄於雷霆震撼巖谷過者駭焉乃約云俗謂之小鴈蕩下有龍湫歲旱禱雨輒應寶元中僧咸潤來游嘗作五泄山十題其序云平川孤越惟峰顛巒轉入轉幽駭悅心目方之鴈蕩諒無慙焉所謂十題者謂五泄西隙夾巖龍井石鼓石門石屏俱胝巖禱雨潭桐星巖俱胝巖巖者昔有僧持誦俱胝呪於此因得名

蕭山

城山在縣西九里闔閭侵越包踐保城山山家有泉

多嘉魚吳王意其乏水以鹽米來餽越取雙鯉報之  
吳兵夜遁華鎮詩云兵家制勝舊多門贈答雍容亦  
解紛緩報一雙文錦鯉坐歸十萬水犀軍

餘姚

羅壁山在縣南十八里晉郗愔卜居之地昔洛客來  
過徘徊觀覽謂山川形勢具體金谷華鎮詩云山列  
翠屏圍碧落溪流鳴玉繞平田郗家池館雖蕪沒金  
谷形容宛自然

姜山在縣西北五千里山有五峯吳越智覺禪師延  
壽有詩頗為人稱道讀之五峯之勝可以槩見其金

雞峰云松蘿高鎮夏長寒透出群峰畫恐難造化功  
成彰玉德洞天雲散露花冠蛾眉峰云盤空勢險露  
巖根深洞聲寒落石泉好是雨餘江上見水雲僧出  
認西天積翠峰云翠壓群峰地形直落日猿聲在空  
碧天風吹散斷崖雲古松長露三秋名已凌雲峰云煙  
蘿高巘勢凌雲影瀉斜陽出海門曾與支公探隱去  
夜寒雷雨上方聞白馬峰云湖外層峰瀉危瀑天際  
陰陰長寒木南北行人均莫窮秋雲一片橫幽谷山  
中有一小池廣不及丈俗呼為姜女池姜女不知何  
時入山之得名亦以女也池之傍即潘子疑教忠寺其



水雖大旱不竭積雨石為罍寺之飲濯日取給焉池中  
草嘗蕪沒寺僧稍芟治即泉竭竭禱之久之始如故此  
頗為異

東山在縣西南四十五里王銍游東山記云會稽郡  
東百里曰曹娥江又曰東小江其南則晉曰太傅文靖  
謝公安石東山也巋然出衆峰間拱揖蔽虧如鸞飛  
鳳舞山林深蔚望不可見逮入雨山下於十嶂掩抱間  
得微徑循石路而上今為國慶禪院即文靖故居也  
絕頂有謝公調馬路白雲明月二堂遺址至北山川

始軒豁呈露萬峰林下視煙海渺然天水相接蓋  
萬里雲景也文靖樂居其在茲乎山半有薔薇洞相  
傳文靖攜妓遊戲之地雖蔓草荒寒然古色不改宛  
有六朝氣象

### 新昌

南明山在縣南五里舊名石城又名隱岳僧端辯云

山實天台之西門也吳越錢武肅王改曰南明

重修寶相寺碑有隱岳巖來谿塘仙髻峰等處

已見前志古梅一株生石罅中齊相井及書堂即唐齊顓

隱居之地鋸解峰斷石中裂章得象云狀如鋸截祠

傳以為昔造佛者試鋸于此石後覩舊傳天台智顛  
大師死有二獸來號吼作竹天叩地之狀遂巡化為  
石嘉祐中僧顯忠詩云庭除兩後覩一仰復一俯告  
天與叩地似欲訴憂苦世傳智顛死二獸來瞻覩遂  
巡化為石埋沒在深土事怪固難詰但見形可取風  
雨駭蒼苔萬古苗萬古顯忠所詠凡十  
五題見拾英

水

會稽

鏡湖輿地記稱曰南湖昔人又稱曰長湖大湖前志  
已詳獨賀鑄引謝承會稽先賢傳謂湖本名慶湖

圖志所逸今備錄之鑄慶湖遺老集序云賀本慶氏  
后稷之裔太伯始居吳至王僚遇公子光之禍王子  
慶忌挺身奔衛妻子迸度泔水隱會稽上越人哀之  
予湖澤之田俾擅其利表其族曰慶氏名其田曰慶  
湖今為鏡湖傳訛也漢安帝時避帝木生諱改賀氏  
水亦號賀家湖家牒載謝承會稽先賢傳叙略如此

山陰

南池在縣東南二十六里華正渠會稽覽古云勾踐兵  
敗棲會稽范蠡即山穿池毓魚鼈三年水陸之味不  
乏故詩有君王日暮方嘗脰猶築池塘長紫鱗之句

嶧縣

剡溪在縣南一百五十步王銍云剡溪古謂之了溪

圖志謂禹治水至此畢矣前志云了溪在會稽縣東北十五里源出了山合縣

南溪流入于剡溪覈其地非是

餘姚

菁江在縣西一十五里明越舟楫往還經涉之所也

唐權德輿送上虞丞詩云越郡佳山水菁江接上虞

漁浦湖前志云在縣西北空里一名白馬湖舊經

引夏侯曾先志云驛亭埭南有漁浦湖深處可二丈

漢周舉乘白馬游而不出時人以為地仙白馬湖之

名由此今按唐利濟廟記云晉問鵬舉初宰上虞後

牧鴈門自後心思退讓志效幽閑俄辭建隼之榮遂

厭剖魚之貴念昔會稽東上虞北曾游魚浦每次賞

眺之情頗愜嬉遊之趣舟泛清淖車乘白駒全家忽

隱於靈源闔境但驚於神心俄而潛遁舛鄉過布威

靈升為水府之僊超統陰司之職又云漁浦湖後改

為白馬湖詳此則是湖以周鵬舉乘白馬沒水遂得

名恐夏侯曾先得於傳聞而未詳故誤以周鵬舉為

周舉也

上虞

飲牛溪在上虞縣南五里白道猷岩下石有繫牛足跡溪以此名

新昌

放馬澗在縣東二十二里沃州山西南支道林放馬之所華鎮詩云春草茸茸潤水清路人猶記昔時名金羈縱後霜蹄逸想見風前蹠蹠聲

山陰蕭山運河

運河自蕭山縣西興六十里至錢清堰渡堰迤邐至府城凡一百五里自西興至錢清一帶為潮泥淤塞深僅二三尺舟楫往來多不勝紫泥般剝之勞嘉定十

四年郡守汪綱申開朝廷乞行開浚除本府自備工役錢米外蒙朝廷支撥米三千石度牒七道計錢五千六百貫添助支遣通計一萬三千貫於是河流通濟舟楫無阻人皆便之

橋梁

府城內

府橋在鎮東軍門外蓬萊橋前舊以磚甃不能堅久守汪綱乃命更造盡易以石闌干華表加飾曩焉橋既寬廣翕然成市遂為雄觀距府前百許步曰蓮華橋修亦如之其他以次繕完如拜王橋舊傳吳越武

郡人拜謁于此  
橋故以為名  
西雙橋水溢一橋大善橋縣橋清道橋  
鵝鴨橋木瓜橋章家橋里木橋皆圯毀之甚者殆不止十餘所今亦奐然改於其舊云

春波橋在縣東南五里千秋鴻禧觀前賀知章詩云離別家鄉歲月多近來人事半消磨唯有門前鑑湖水春風不改舊時波故取此名橋

山陰  
柯橋在縣西二十里舊曰柯亭今有橋遂曰柯橋唐胡曾詩云一宿柯亭月滿天笛亡人沒事空傳中郎

在世無甄別爭得名垂爾蔡邕笛事見前志

錢清方家橋距縣四十五里在小江之西歲久斷圯

守汪綱重修寧宗御舟次撤而復葺

容星橋在縣東北一十五里陳山舊有橋工役不至

屢成屢壞淳熙十年僧清始改作壁石如虹衣

百五十尺翼以石欄極為壯壯步六年乃成皇人以其在嚴子陵墓側因命曰宏

上虞

五夫新橋在縣北三十五里  
五夫亦有舊會場  
余球五大夫市新橋記

堤塘

清風安昌兩鄉實瀕大海有塘峴以禦風潮或遇  
損隨即修築若易為力或浸不省玩歲積月怒濤益  
慢至嘉定六年潰決餘五千天冒民田蕩室廬無及  
轉徙者二萬餘戶斥鹵漸壞者七萬餘畝歲失兩鄉  
賦入以萬石計者四年于茲守趙彥倓請于朝頒  
降緡錢殆十萬米萬六千餘石又益以留州錢千餘  
萬倉司被旨督辦復致助自秋興役築塘及裨修

共六千一百二十丈砌以石者三之一起湯灣迄王  
家浦以明年夏畢工會諸暨縣民杜思齊以造偽獲  
罪家沒入郡又請買其田於安邊所計五百七十八  
畝山園水塘三百七十二畝置莊於古博嶺藏其租  
委官掌之以備將來修築費又請行下吏部今後差  
注山陰尉職帶巡修海塘視成壞以加勸懲刻碑  
郡庠龍泉葉迥為之記至守汪綱命時加修護云  
新堤在府城之西門距西興踰百里塘堤廢壞久矣  
外為牽夫蹂踐內為田家侵掘混為泥塗往來艱阻  
夏潦初興河流溢而大秋暘方熾田水泄而不留

非特路人病之也嘉定十四年郡守汪綱增築之徒  
行無褰裳之苦舟行有挽絳之便田有畔岸水有儲  
積其利已博矣而又建施水坊於人煙不接之地凡  
八所各五間為中寮以憩過往之人且將規畫食利  
以資守坊老為父長之計則其利豈特博而已哉  
沙路在西與沙上直抵江岸長一千一百四十丈十  
七年冬汪綱以往來渡者病涉築此路以濟行人糜  
錢三十萬米千斛椿篠五萬有奇踰月而工成望  
如砥修闢平廣莫不以為利次年三月寧宗靈  
駕發引遂由此捧擎徑達千河以避入間沙漲之阻

菁江塘在會稽縣東七十餘里千秋鄉計長四百餘  
丈嘉定七年內準朝廷下本府支撥錢一萬四千  
餘貫米一千七百餘石砌壘尋為風潮所壞嘉定十  
六年郡守汪綱重行修砌

### 鳥獸草木

鳥獸草木越中所產其名品之夥未易以一二數也  
今掇其見稱於書傳間者備錄于此

### 花

牡丹自吳越時盛於會稽剡人尤好植之仲皎有詩  
云王稜金線曉粧寒妙入天工不可干老去只知空

境界淺紅深紫夢中看

芍藥越中所植其花大有過尺圍者而剡尤盛李易  
剡山詩斑竹筍行三畝地紅藥花開一尺圍五十朋  
剡館芍藥詩已過花王候纔聞近侍香來游禁酒地  
免作退之伴

海棠李德裕平泉草木記曰木之奇者會稽之海棠  
沈立海棠記曰花中帶海者從海外來

紅桂平泉草木記木之奇者稽山之海棠剡溪之紅  
桂記又有訪剡溪樵客得紅桂移植郊園詩云來自  
天姥岑長疑翠嵐色前有越叟遺數株周人未嘗識

之句意此桂在唐唯龍門敬善寺及剡中有之今所  
至婆娑林立不特剡也

百葉木芙蓉平泉草木記宛陵之紫丁香會稽之百  
葉木芙蓉

四季桂有植于剡之雪館者城圃亦有之白居易詩  
有木名丹桂四時常馥馥棗據詩芳林挺芳齡二歲  
三四花

山茶平泉草木記曰得會稽之貞同山茗在唐唯會  
稽有之其種今遍于四方矣

貞同平泉草木記云稽山之貞同其花鮮紅可愛而



且耐久

蘭越絕書曰勾踐種蘭渚山舊經曰蘭渚山勾踐種蘭之地王謝諸人脩楔蘭渚亭

茶蘼王十朋剡館茶蘼詩日烘香倍遠雨浥韻尤清

此但白茶蘼爾近時士大夫園中有黃者尤可愛

石巖花與杜鵑花本一種石巖先敷葉後着花其色

丹如血杜鵑先着花後敷葉色差淡仲皎石巖花詩

繁英歷歷爍晴空過了花間幾信風明日盡欄烘徒

倚却須有句到芳叢

四時杜鵑花平泉草木記得剡中之真紅桂稽山之

四時杜鵑

杜鵑花王十朋會稽風俗賦天衣杜鵑東山薔薇注

云天衣寺有杜鵑花最奇每歲盛開觀者競集越僧

擇璘杜鵑花詩蠶老麥黃三月天青山處處有啼鵑

斷崖幾樹深如血照水晴花暖欲燃三嘆鶴林成夢

寐前生閨苑覓神仙小山拄頰愁無奈又怕聲聲聒

夜眠越人謂之映山紅唐僧脩睦有映山紅詩

瑞香剡中西太白山有此花盧天驥剡山睡香花詩

云入夢生香酒力微不須金鴨臬孤翻為嫌淡白非

真色故着仙家紫道衣時盧正在西山也了元瑞香

譜曰廬山瑞香比他郡最香信乎風物各有相宜吳  
曾漫錄曰廬山瑞香花天聖中始傳東坡諸公悉作  
瑞字廬山記中載瑞香花及納禪師詩山中瑞采一  
朝出天下名香獨見知張祠部以瑞為睡其詩曰曾  
向廬山睡裏聞香風占斷世間春竊花莫撲枝頭蝶  
驚覺南窓半夢人今餘姚上虞二邑之地亦宜此花  
城圃亦多不特刻也

古梅會稽餘姚皆有之老幹竒恠而綠蘚封枝苔絲  
四垂踈花點綴極為可愛化處所未見也俞亨宗議  
云踈踈瘦藥含清馥矯矯虬枝級碧苔疑是髯龍離

雪殿蒼鱗遙駕玉妃來

紅梅城圃中及他邑皆有盧天驥刻中同邑官登迎  
薰堂紅梅詩河陽滿縣栽桃李風迴落花不起潘  
郎遠韻故不凡為米折腰聊爾爾刻溪詩尹亦可人  
作堂餉客名迎薰雖無桃李繼潘公紅梅一窠香入  
雲自憐多病繡衣客百年未半鬢先白長鞭短帽飽  
霜露田園將蕪身未索何日皆琴丘芳瘦筇鳴絃堂上  
迎薰風梅香已斷葉初暗滿枝着子雙頰紅寄聲艇  
子可留意為我沿溪撐短篷

千葉黃梅刻中為多王梅溪詩菊以黃為正梅惟白

最嘉徒勞千葉染不似雪中花

蠟梅越中近時頗有剡中為多花有紫心者青心者紫者色濃香烈謂之辰州本蠟梅始名自蘇黃始徐師川詩所謂江南舊時無蠟梅只是梅花臘月開王梅溪剡館蠟梅詩非蠟復非梅誰以蠟染腮游蜂見還訝疑自蜜中來

菊前志云昌安門內朱氏莊有佳菊數十種今上原所甄名品亦多剡中高氏雪館種世別一二百本最奇者紫菊丹菊

白丁香剡山絕多

薔薇花越山處處有之唯剡中為盛山谷榛篁間最多即梔子花也

薔薇越中頗多自舊見稱於人李白題東山云不見東山久薔薇幾度花又有重臺百葉者平泉草木記稽山之重臺薔薇又曰宛陵之紫丁香會稽之百葉薔薇

凌霄前志云山陰多有其蔓倚木直上故名元稹詩寒竹秋雨重凌霄晚花落

杏與梅異前志已詳盧天驥剡中詩山杏枝頭鴨鵝兒來傳春意語多時王銍杏花詩王人半醉點豐肌

何待武陵花下迷記得鞦韆歸後約黃昏新月粉墻  
低又醉裏餘香夢裏雲又隨風雨去紛紛人間春色  
都多少莫掃殘花斷盡魂

碧桃張說題詞金庭觀云他日洞天三十六碧桃花  
發共師遊李光云吾里桃花色白而多葉跗萼皆碧  
世謂之碧桃有詩見光文集  
木蘭吳兢鎮東軍監軍使院記云大夏前木蘭特異  
越城之中稱為一絕

鷺鷥梅王十朋會稽風俗賦云越有鷺鷥梅雙頭之

果

青櫛子出餘姚縣四明山陸龜蒙詩山實號青櫛環  
岡次第生外形堅綠殼中味敬瓊英皮曰休亦有味  
似雲腴美形如玉腦圓之句史忠定公詩云羽憶新  
從帝所回餘歡未盡玳筵明醉拋青子香泥上留與  
僊家取次栽

李越中固多唯剡溪者頗具且稱唐李紳遊剡龍宮精  
舍晝寢有老僧見一黑蛇上一剡前李樹食其子復望  
東序而去入紳懷中僧曰公睡中有所覩否李曰夢  
中登李樹食李甚美似有一僧相逼乃寤僧知非常

延遇甚謹

櫻桃越有大小二種蕭山者勝剡亦有之李易剡山詩豆角嘗新小麥秀來禽向長櫻桃肥

枇杷始寧斬多植此剡坑吳莊最多

林檎越中自昔有之故謝靈運山居賦曰枇杷林檎帶谷映渚

蓮藕前志但稱禹廟前羅文藕面已今上虞亦出此大率越多陂湖蓮最富杜牧口鶴送人游越詩有園皆種橘無渚不生蓮可謂越之實錄也

木瓜本草云陶隱居曰山陰蘭亭尤多彼人以為良

果最療轉筋患時但呼其名及書患處作木瓜字皆愈不可解

瓜已見前志又剡之西太平鄉產奇瓜紺翠如筍味絕佳庾信所謂美酒含蘭氣小甘瓜開蜜筒齊靈敏刻人種瓜營葬朝採夕生

棗前志云其品之美者出諸暨蕭山然嵊縣嵒山棗灣又有一種青者

右榴越固有唯剡中者佳地近東陽故多榴房

葡萄廣志曰葡萄黃黑白三種越中間有碧葡萄王十朋剡館葡萄詩珠帳纍纍小挂龍鬚蔓蔓抽從渠能

美釀不要博涼州

栗本草云生山陰陶隱居曰今會稽最豐諸暨形大皮厚不美剡及始寧皮薄而甜

榘平泉草木記曰木之奇者稽山之榘東坡詩彼美玉山果粲為金槃實玉山屬東陽剡實接壤榘多使者

者榘越中國有而剡為多張籍詩山路黃根熟沙田紫芋肥真剡中風物也梅聖俞詩越蕞根熟又楚飯稻

春初

橋任昉述異記曰越多橋柚園越人歲稅謂之根橋

戶亦曰橘籍今非其舊

柚列子曰吳越有木焉曰櫛碧實冬青實丹而味酸爾雅音義曰柚亦作櫛

蔬

戢唐趙璘戒珠寺碑云戢蔬類也句踐故城東北三里山曰戢傳云昔越君所嗜故常採於此遂以名山本草云作蔓生莖紫赤色葉似蕎麥而肥關中謂之菹菜王十朋有采戢詩見續撰英他已見前志

越瓜本草云生越中陳藏器云越瓜大者色正白越人當果食之去煩熱解酒毒又自有黃瓜菜瓜可充

蔬茹云

草木

卷栢俗呼長生不死早生餘姚四明山雖甚枯槁得水即葱翠甚為異也謝靈運山居賦卷栢萬代而不殞則此物越山皆有之不特產於四明山也

仙茅出少微山齊唐有詩云玉澤反嬰看術驗少微山是小三茅

山蔓菁推餘姚縣龍泉山有之劉綱夫婦所種婦先網飛昇約綱云菜熟亦仙去朱翌詩云天上佳招飛鸞驚人間春色到蔓菁

菘草輿地志云出上虞縣夏駕山上人織以為席甚細密多接者為精華山亦有夏駕山亦云出菘草當考

鹿胎草獵士陳惠度射鹿剡山鹿孕而傷舐子死其處生草曰鹿胎草

恒春草唐方士梁錡進恒春詩東吳有靈草生彼剡溪傍既亂莓苔色仍連菡萏香金膏徒騁壽石髓莫矜良儻使露涓滴豈遊不死方

石耳生四明山絕辟工少微山亦有齊唐有詩仙樹在餘姚縣祠堂觀孫應時詩云劉樊蟬蛻此登

仙老木當時已插天玉骨半枯元秀潤蒼皮新長更  
榮鮮蟠桃待熟三千歲銅狄重摩五百年化鶴未歸  
山寂寂徘徊誰與問因綠

貝多木出諸暨縣靈臺巖寶臺禪師所植蓋數百  
年矣

檀可為車故曰彊朝之木南渡初製五輅須檀為車  
軸取諸剡至今郊年文移如舊

櫟水經曰謝靈運與惠連聯句刻孤潭櫟側詩曰山  
有苞櫟爾雅注曰櫟有林彙自裹

梓梅福四明山記山生梓松柏水經謝玄居嶧山起

樓樓側桐梓木林樅

桐謝車騎嶧江所居桐梓木林樅六號桐亭

棟見謝靈運山居賦有花詩人稱世之梅聖俞棟詩紫

絲暈粉綴鮮花綠羅布葉橫飛毳段陳無已詩密葉已

成蔭高花初著枝

椿剡溪谷多此木孔德紹詩歲建頂松方偃年深椿欲

秋用莊子事妙絕

楮說文曰穀也陸璣草木疏曰江南以楮搗紙剡溪

作冰紙亦取此

黃楊梅福四明山記山生黃楊如樹



檉出越中四明山為多見梅福四明山記及謝靈運  
山居賦爾雅曰檉河柳張衡南都賦注曰檉似栢而  
香此文曰檉也檉草木記曰木之奇者會稽之檉爾雅曰檉栢  
葉松身谷多此木檉留山鼠月冷菰蒲散水  
禽更似松葉檉留山鼠月冷菰蒲散水  
檉出剡中許渾詩霜肥橡栗留山鼠月冷菰蒲散水  
柞周處風土記曰始寧剡界山多柞木吳越之間名  
柞為檉爾雅曰柞柞樹也漢五柞宮即此木  
石楠李白詩水春雲母碓風掃石楠花祖詩不知

疊嶂夜來雨清曉石楠花亂流石楠二月花開剡山  
谷多此冬葉九可愛

樟出剡中西陽雜俎曰江東人以苧俾為船張嶠詩白  
水正汪滿稻畦樟花零落徧前溪

檉輿地志曰越太平山生檉木剡亦多此木最宜為  
檉

檉越山有之李嘉祐詩子規夜啼檉葉暗遠道春來  
半是愁

相思木平泉草木記得稽山之相思木述異記曰戰  
國時魏有民戍秦妻思之卒塚上土木枝葉皆向夫

所謂之相思木吳都賦曰相思之樹注曰樹理堅斜斫之有文可作器

拚欄十道志曰會稽有棕山剡山以多植山海經注曰梭一皮一節廣志曰拚欄葉如半輪二月一採轉復一生

拓越中多有之非但葉可供饗事其木文理縝密而黃色可愛堪為器具謝靈運山居賦所謂木之美

者  
白粉也  
梓屬也

廩山桑也

以上皆越山有之並見謝靈運山居賦

茶

前志載越中茶品甚詳而獨遺剡茶按唐僧清晝詩越人遺我剡溪茗採得金芽鬢金鼎則剡茶自唐已著名矣華鎮剡中瀑布嶺山茶詩云煙霞密邇神仙府草木微滋亦有靈則剡茶見稱不特清晝而已剡茶有九曰西太白山瀑布嶺山茶曰五龍茶曰真如茶曰紫巖茶曰鹿苑茶曰大崑茶曰小崑茶曰焙坑茶曰細坑茶見高氏剡錄

竹

箭竹左傳曰東南之美有會稽之竹箭謝靈運山居賦曰二箭殊華注曰若箭大葉筭箭細葉戴凱之竹譜曰會稽箭最精節間三尺堅勁中矢

簞竹西京雜記會稽貢竹簞號流黃簞

毛竹四明洞天記毛竹叢生澗邊又剡中金庭曰毛

竹洞天有毛竹李注洞叟詩雲藏毛竹深深洞煙起香

爐裊裊風

斑竹博物志曰洞庭二女以涕揮竹盡斑述異記越

中有顧家斑竹今至人用以作牀倚及其他器具甚

清雅

燕竹越人以其燕來時作筍取其早也因以為名華

鎮詩云竹箭黃芽欲老時杏梁日暖燕初歸他林尚

聳千竿翠此筍先抽一握肥王十朋在剡有詩云問

訊東墻竹佳名始得知龍孫初迸處燕子正來時

苦竹山陰縣有苦竹城越以封范蠡之子則越自昔

產此竹矣謝靈運山居賦曰竹則四口齊味謂黃苦

青苦白苦紫苦也越又有烏末苦頓地苦掉額苦湘

簞苦油苦石斑苦苦筍以黃苞推第一謂之黃鬻苦

孟浩然詩歲月青松老風霜苦竹餘

水竹謝靈運山居賦曰水竹別谷注曰水竹依水而

生甚細密然亦有大者  
石竹謝靈運山居賦注曰石竹別叢大以充屋椽巨  
者竿挺之屬

慈竹生越山剡中尤多任昉述異記曰南中生子母  
竹慈竹是也酉陽雜俎曰慈竹夏雨滴汁入地而生  
桃枝竹梁元帝詩柯亭臨絕澗桃竹交細流書曰篋  
席黼純孔安國曰篋桃枝竹也  
笙竹越中俱有而剡為多字書曰笙竹名也有早竹  
晚竹絲竹梅聖俞詩侵天笙竹溪西東  
筋竹越中處處有之刻為名羅浮山疏曰筋竹堅利

南上以為矛筍末竹時堪為琴絃

對青竹每節青黃左右相間越俗呼為黃金間碧玉  
又曰閃竹又曰間竹或云越閃竹即宋景文黃太史  
所謂對青竹宋公贊曰翠溝如畫太史賦曰金珀其  
相

紫竹剡山谷間往往有之宋景文紫竹贊曰竹生三  
歲色乃變紫

黃竹出蕭山越絕書云范蠡遺鞭於此生筍為林竹  
色皆黃

方竹中堅而外方王岑山所植張忠定公詠方竹詩

筍從初茁已方堅峻節凌霄更可憐

人面竹剡山有之竹徑幾寸近本逮二尺節極促四

面參差竹書曰如魚鱗而凸頗類人面

淡竹越中有之竹類不一而本草所載惟筍竹苦竹

淡竹耳

蘆栖竹嵎縣嶧山有蘆栖嶧山王十朋嶧山賦靈禽忽

翦於蘆栖竹譜曰竹膚是蘆嶧浙江以東以為篔簹空於

筆

笙竹今樂部作笙率以會稽卧龍山竹為貴

銀筍梅福四明山記山生毛竹銀筍

### 藥石

禹餘糧會稽及嵎縣了溪有之博物志曰禹治水幸

餘食於江為禹餘糧顧況詩云宛委山裏禹餘糧石

中黃子黃金屑

石燕四明山記曰南峰之北山巖生石燕

雲母本草云今杭越間亦有之生土石間或作片成

層可析明滑光白者為上

紫石英本草云生泰山或會稽者形如石榴子楓橋

採仙者佳

蛇黃本草云出嶺南蛇腹中得之重如錫黃黑青雜

色有吐出者野人或得之園圃經曰今越州亦有之大  
如彈丸堅如石外黃內黑二月採云是蛇冬蟄時所  
含土到春發蟄吐之而去越所有者此也  
紫宛平泉草木記得稽山山紫宛剡縣四山有之其  
苗謂之麝香菜  
地黃剡地種之按謝靈運山居賦曰采石山之地黃  
則越產地黃其來久矣

木本草云生杭越等州葉並亦相對上有毛方莖莖端  
生花淡紫碧紅數色

續斷本草云越州亦有之三月已後生苗幹四稜似

苧麻葉亦類之兩兩相對而生四月開花紅白色似  
益母花

五味子本草云杭越間亦有春初生苗引赤蔓於高  
木其長六七尺葉尖圓似杏葉三四月開黃白花類  
小蓮花七月成青實熟乃紅紫

白及本草云生兔句及越山春生苗長尺許似柃櫚  
及藜蘆夏開花七月結實振似菱米有三角

劉寄奴本草云今出越州葉似菊高四五尺花白實  
黃白作穗蒿之類也

蔓荆子本草云越州多有之苗莖高四尺對節生枝

初春因舊枝生葉至夏盛茂有花作穗淺紅巴藥黃  
白色花下有青莖至秋結實班黑如梧桐子大而輕  
虛音又本草云今杭越亦有之春生苗作蔓四月生  
木鼈子本草云今杭越亦有之春生苗作蔓四月生  
黃花六月結實似括萋生青熟則紅其核似鼈故以  
為名每一實其核三四十枚

細辛出諸暨縣細辛隴山山多細辛因以為名  
黃精出諸暨縣石鼓山人採之以黑豆同煮或蒸甘  
美可食郡人唐秦系期王鍊師詩黃精蒸罷洗瓊杯  
林下從留石上苔昨日閨基未終局且乘白鶴下山

來

黃蘗出諸暨縣黃蘗山山以多黃蘗故名

厚朴出剡中平泉草木記稽山之樵檜剡溪之厚朴

紙

敲冰紙剡所出也張伯玉蓬萊閣詩敲冰呈好手織  
素競交鴛注越俗呼敲冰紙新安志紙敲冰為之益  
佳剡之極西水深潔山又多藤楮故亦以敲冰詩為  
佳蓋冬水也

禽獸蟲魚

鷓鴣項斯詩更望會稽何處是沙連竹箭白鷓鴣

子規前志已詳李易剡山詩丁寧杜宇往江北為喚  
故人令早歸仲皎懷剡川故居詩蝴蝶夢中新歲病  
杜鵑聲裏故鄉愁越人謂之射豹

畫眉越所在有之剡林谷雅多以其眉如畫故名  
拖白練剡玉岑山最多尤可玩愛

黃雀白露來霜降去張芸叟詩所謂黃雀知時節清  
江足稻梁是也

鴨鵝鷓鴣舅也盧天驥剡中詩山杏枝頭鴨鵝兒來傳  
春信語多時張祐詩落日啼鳥空林露寄生胡文  
恭公宿詩二月辛夷猶未落五更烏舅最先啼言鴨

鳩啼最早也

吐綬雞剡太白山有雞五色吐綠綬號吐綬鳥古今  
注曰吐綬鳥曰錦囊劉禹錫吐綬鳥詩越山有鳥形  
寥廓素中吐綬光若若李易太白山吐綬雞詩昔人  
仙去斷丹梯憔悴深山吐綬雞百轉和鳴非我事漫  
將文采慰幽棲

牛尾狸剡山谷產玉狸東坡所謂牛尾狸也

白魚剡嶧祠下巨潭曰魚所聚大者二三尺頭昂者

第一尾頰者謂之追紅白自鳥獸至是多  
高民別錄



會稽續志卷第四

白魚... 山... 半... 殊... 大... 采... 想... 幽... 林...

山... 寒... 封... 如... 誠... 帝... 景... 早... 五...



